


石倉十二代詩選

明次集卷一百二十九



大明

上元謝承舉著
後學曹學佺閱

美人隔秋水

美人隔秋水可望不可即空有木蘭舟未得西
風力維舟杜若洲汀花好顏色見花如美人采
采轉憂惻我心傷所思耿耿情何極水流深且
長安能有羽翼佳期會當來惟以求相得

書廣陵天寧寺北舍

歷代詩選 目錄 卷一
浮舟出淮水飄風吹我裳未憇遠歸身輒束前
時裝長江渺何許東南指維揚白雲復依依黃
流浩湯湯爰止阻凌颿暫留招提房入門遇嘉
友懽娛羅酒漿哦詩口不輟讀書名未揚投懷
二十年開言謝肝腸滿斟更添酌一勸累十觴
蕙露下空砌松月輝長廊坐久更漏沉醉來形
役忘

九日感興次元遺山九日讀書用陶靖節
原韻

我昔遊楚湘登高岳麓邊紅顏映綠水青娥在
樓船笑擲黃金杯醺醪來如泉纖纖弄花枝令
姿相比妍嬌歌颺輕颺長裾舞翩翩我醉渾欲
頽唵肩倚羣仙青衿同遊生况復羨少年白眼
一粟餘其氣凌蒼天

我昔登金臺居庸快瞻望歷歷薊州山周迴疊
層嶂龍門挿天表崿嶮若佐相蒼蒼諸峯攢宛
如踞虎象峩峩黃金闕紫翠鬱相向龍蟠八極
尊鳳喙五雲上觀光適茲辰賓筵候亭障覽竒

快醉歸頓令心目曠

觀隸古孝經

穹碑大如隼字畫示古隸炳朗金薤垂鈎聯鐵
紐繫橫披若伏波堅豎如執筆古人書法精點
綴分巨細聖經旨義明謨訓督奮勵赫赫李唐
朝玄宗亦英帝渙詞出宸思揭書題聖製執筆
表前代勒石詔後世惜哉西南行不作苞桑計

白菊

幽花若處女涓涓凝淡粧對月張素琴凌風披

縞裳質潔耻穠豔姿珍闕馨香持此貞白心相
依君子傍漪漪臨深淵皜皜晞嚴霜自分值時
晚永不慚秋陽

題扇寄友

別子倏易秋限茲大江相望三驛途迥若在
千里風涼桂粟黃露冷蘭花紫素紈裁短唵含
情付雙鯉

錦帕

絲絲出機杼縱橫炫綵紋美人勞玉織綠窻瑣

春雲卷之不盈束放之靄蘭芬織成寄遠道密
意同贈君君但念珍襲機聲聞莫聞

郭熙盤車圖

東車上岡西車下輓力駕牛如駕馬後有一車
方渡河泥深水寒將柰何來車人與去車語前
途山高石齟齬千里百里多險阻虎狼縱橫皆
逆旅好歸來守鋤杵

行見月

行見月杏花枝上新晴天東風吹散鑿江煙江

南庭院春可憐有人不肯上秋千
行見月白蓮池上弄纖纖寶奩新開飛寶蟾吳
中深閨不捲簾齊紈巧遮雙蛾尖

恭題靈羊圖

靈羊圖

塞上春深草初綠黃河套邊堪放牧何來羗羴
攜乳畜傍有韓盧將搏逐群羴不奔且不驚輜
車無影鸞無聲持旄已歸蘇子卿挾冊未見黃
初平羊何安閒盧何猛以靜制動清邊境我
皇執筆發深傲意在和雍化強梗是時賢相維

三揚昇平輔理稱虞唐九重優游翰墨場天與
人文垂四方

觀內苑西僧演教

佛殿開公車來旌旛導引法鼓催天人獻貢金
沙街天女散花瓊瑤臺臺前行列諸寶樹一樹
一葉生甘露琳瑯樹擺天風度風度鈞天和雅
音雅音演暢歡人心

月子河卽景

風便小舸輕如棹中流浪平無驚嗟溪女捕魚

水禽起野叟賽神村鼓搥丹青剝壁見古廟雞
犬上樹知人家秋江景物看不厭霜菊掛岩開
紫花

登崇道觀明閣看山

一月在船懷抱惡晝夜風濤怒驅作文江東岸
煙霞居上瀨囊廂暫停泊幽人欵接禮數倍便
叱山童掃高閣石牀穩帖憇塵夢古竇清泠纓
可濯光搖樹色開几屏香籟松花墮簾幙敲金
嚙曉雜靈籟碎玉鏗鏘響簷鐸馮夷玉女翻雲

旗白晝虛空奏天樂幽閑境界縱坦放前日驚
惶都忘却豪來懽劇欲起舞狂語驚飛滿林雀
大舒雙手弄日月長笑一聲振寥廓開窓遙見
江上山紫翠高低眼分豁幽人巨細向我說上
極危巔下陰壑東南云是中華山半夜仙燈光
閃爍崆峒西抱北太平隱約仙居在冥冥天皇
椎破混沌竅此山揮指神斧鑿轟雷走電騰朱
龍微月寒風下秋鶴赤日杲杲海底明蒼雪紛
紛峯頂落軒昂勢可敵崑崙突兀恐不讓廬霍

我生素抱山水癖處處名山俱領畧曾跨君山
浮洞庭駕馭罡風遍衡嶽昨來彭蠡訪五老呼
吸瀑布醒醉渴縱是滴泉與片石一一窮搜無
落莫今過文江對此山便欲翱翔躡雙屩幽人
爲言路顛蹶壁立群峯難着脚當中更險大西
嶺獨聳孤形頗危削十年惟此是竒觀追想前
遊今不若虺虺我馬廢鞭策料與此山緣分薄
橫發平生雄壯心萬里逍遙赴鵬鷲

題宜興陳警之畫

君家畫舫如畫閣日載笙歌呼客遊太湖風波
不可渡停橈洗盞凌滄洲水心落花爛五色雲
頭芙蓉攢萬虬晴空滉漾走白日煙巒髣髴迷
瓊樓陶朱魯望已僊去夫嗟勾踐空荒丘古今
樂事復我輩湖山不管興亡愁醉乘鰲背上九
漢一粟下耿三吳洲

題扇

赤龍行空鞭不去玉樓美人汗香注搖搖白羽
蕩輕羅手中笑把珊瑚樹樹排十二金縷衣月

中木犀花亂飛秋風有情不忍弃目送大火流

天西

蘇妲掬水月在手畫屏

院涼夜彩流金蟾海空秋華開素奩含情欲共
嫦娥語畫簷鈎上真珠簾姮娥住老廣寒殿金
樹銀花四遮面癡情苦思招不來千古萬古誰
能見銅盆一掬太液清金蟾墮水秋分明兩輪
上下互相蕩團團似愛纖纖擎陰精含胎未分
剖白兔弃丹將遁走水華壁影一規中却入人

間艷姝手艷姝弄月還傷情屈指圓缺頻送迎
幽閨秋冷夜光靜千里有人關塞行

贈客

紫貂壓肩酒薰面走馬章臺瞥如電石城送客
雪滿舟江閣張燈夜開宴雪花不飛江月明雲
葉散盡霜天清酒闌歌罷跨鶴去白雲東指瓊
花城

天西題畫贈朱拱之

君山兀兀湖水急爛銀盤中螺一粒老龍把弄

蒼玉枝飛濤掀空海神泣振林裂石孤月明劃
然似覺天西傾持將濁世讐妖魅媿作笙竽新
樣聲

林居書屋

挾冊入林林居幽逃虛習靜恣所求香芸晝焚
小窓午青燈夜照孤檠秋汗牛充棟三千軸白
首何妨苦心讀山空鳥寂人不知琅琅誦聲亂

巖瀑淋南園王孫斷北土白王對高吟莫翠
送湯希說北上風輪如春水青嶽林

夜潮湧山綠江漲飽風錦帆破春浪青萍插腰
書浦挑南國王孫初北上白玉樓高仰莫攀黃
金臺高屹相向臺前三月桃花多遶臺酒旗招
客過柳下紫騮銜蹠躑躅花裏翠眉張綺羅今朝
檀槽作胡語明日斑管吹吳歌

題永福玲玉中所藏徐宗浚雪景

玲師放叅開左堂徐熙忽作遊戲場手披七尺
溪藤光幻出乾坤銀粉粧觸暑一見心清涼畫
翁鶴髦着穿屨不踏山南雪天暮九折坡陀列

瑤路四匝寒林挺瓊樹來與師評惠連賦

明皇觀舞圖

勤政樓前午朝罷花萼樓頭西日下沉香亭畔
梧已秋凝碧池中蓮尚夏紫衣傳宣詔九宮宮
中麗人脂粉紅錦鴛綵鳳炫晴日嬌鶯乳燕隨
春風御厨捧勅陳華宴錯雜奇珍按時換擎來
粲粲赤金盤奉出纖纖青玉案分行判隊衆樂
鳴琵琶箏篋瑤瑤箏月支小麼解漢唱越江妃
子能秦聲何須三擊花奴鼓六律皆依板爲主

玉環指下節奏明內中一人忙起舞軟鞋尖帽
高麗裝團花纏身金縷裳俏裁四幅裹腰窄寬
兜兩袖拖肩長大垂小垂輕復舉左挺右挺風
旋起蛺蝶爭翻柳絮雲蜻蜓亂點桃花水一縱
再縱勢欲前東歎西歎態欲偏香埃蹴步自掩
冉日光踏影相踟躕唐家三郎倚花坐懽極諸
姨盡稱賀漁陽鞞鼓動地來歌舞花間忽驚破

廢廟

江南多廟宇處處倚山開香火村翁主松杉野

鶴來土墻支段木石磴上青苔鼓吹斜陽裏人
家賽社回

丹陽道中

丹陽兩日驛賤子十年遊躑躅身將晚飄零鬢
易秋山川懷舊跡花鳥識新愁趁此浮東海無
人與借舟
華齡送吳永年
行色春增艷離心路與岐柳條江上雨蕪草望
中詩來燕纔交社分蠶正及時到家新釀熟花

下有尊移

寄沐希甫叅戎

華鎮移金齒清標想玉顏何期白鴈信又過碧
雞山赤日酬明主春風舞燹蠻功期班定遠早
勒玉門關

散步前村歸晚小憇南牖偶成

伐斧鳴前崦巡金響近村西風摧木葉落日下
柴門夢可黃紬被唵堪老瓦盆嬉來隨野叟相
就問雞豚

三子晚雨二首

枕葦渾無暑園林占蚤秋荷風晚池靜槐雨夜
堂幽藥裹依頻簡書籤散不收虬髯先着雪今
已漸侵頭

白苧辭新服黃紬理舊衾月華雲掩鏡簷溜雨
鳴琴花片渠流急苔錢石繡深閉門淹病嬾誰
肯為招尋

飲劉穆之萃芳亭

倚石厭花氣漱泉憐水香欲留紅日下先占綠

歷代詩選 明謝子象
陰涼客醉酒沾席官貧書滿牀老便尋樂境此地本吾鄉

送朱永年遊金山

君上金山寺還吟張祐詩空門無俗境人世有閒時潮漲江應闊雲來山不知昔年曾宿處多負故交期

空幽宿和州港

落日舟航泊晚晴酒帘茅屋小村清客途南去三千里鄉土今來第一程野廟鼓鐘驚夢寐秋

江星斗動虛明西風轉盼情無限行役勞勞恨此生

遊龍華寺

下馬山門萬樹松竟誰來此謝塵踪泉飛澗竇酬齋諷風出藤蘿引飯鐘蘭麝香分巖畔桂芙蓉青削望中峯石墻書遍安心偈盡掃蒼苔十丈封

秋夜

嚴城鼓角送更長坐對梧桐月滿墻錦字多才

秋信遠翠華無夢夜衾涼家山在眼風塵阻世
事催人日月忙展轉孤心滯歸路不如鴻鴈解
隨陽

雨寒

小閣看書蠟炬殘溟濛踈雨作秋寒江山風物
愁將盡湖海舟航客耐看壓樹黃鸝同坐濕衝
泥瘦馬獨行難窮途遙落成何濟空戴蕭條舊
鶻冠

不寐枕上憶劉子一首

殘漏踈鐘枕上驚鷄聲何處未分明空梁有月
秋將晚客舍無燈夜亦清風雨屢孤同榻興萍
蓬難忘盍簪情布衾展轉寒如水多少思君夢
不成

泊曲港

旅泊豐城江上村浦煙汀霧正黃昏漁歌亂集
潭中網酒旆寒飄竹裏門雞犬衡茅時自散魚
龍星斗夜虛吞隔川誰弄短伊笛一曲梅花欲
斷魂

題張庶夫光祿長沙別墅

靜閱羲黃數歲華
閉門誰識此翁家
林間日月耕何懶
天上風雲夢已賒
野寺尋詩隨杖屨
山庖留客有茶瓜
歸來自覺機心息
長伴江鷗坐岸沙

慈湖道中

路繞清溪轉綠陰
村村麥壠對桑林
吳蠶老去還成繭
蜀鳥南來未改音
匱玉無媒懷往事
還山有約負初心
翻思今古情何限
却付青驢

上唸

宿嘉宗師一清山房

上方燈火得依禪
惠遠慙予舊有緣
閒與白雲分半榻
清同老鶴臥孤煙
驚心往事三更雨
過眼流光十二年
曉枕偶醒丘壑夢
滿窻山鳥正綿綿

送趙隱士還錢塘

古貌魁梧雪後松
舊家人物宋同宗
江鄉憶送孤舟別
京國何期一笑逢
白首華嵩凌意氣
青

天雲夢入心胸老年賴有湖山勝日日酣唵兩
翠峯

與陳希承恩寺夜話

佛閣論心到即留對君那省繫窮愁隔年雞黍
殘盟在投老鷺花舊夢休酒共青燈聊送夜詩
因黃菊似爭秋相思明日江天恨又逐霜鴻下

遠洲

送凌伯遠進士之任德化

冬官正好拜新除西去潯陽山水居拂地冰花

驚瀑布插天蒼玉對匡廬青衫騎馬春觀稼烏
帽篝燈夜看書近日江南民力困征徭君且放
寬舒

遊甘露寺夜歸即景

南指岡巒路幾重杖藜扳到翠芙蓉地從海口
橫諸水山自江心落半峯孤月出林驚玉兔一
星當閣對蒼龍十年再舉憑高眼唵倚門前四
五松

善權寺 謝真人所居

鬼鑿神劖太古先窮源何地入漁船將行且止
如無路入暗通明似有天筭與師期逢澤日愁
聞人說避秦年三生夙願慙同姓柱下樞衣拜
古僊

東坡祠

溪水澄鮮洗蜀絲溪山飛翠掃峨眉文長垂世
如懸日人不忘公故立祠種橘無亭題楚頌求
田有帖勒吳碑游踪到處留遺愛嶺表湖南並
去思

謁岳鄂王墓

元命綱常繫此身自江南渡幾孤臣一門父子
死何罪五國君臣冤不伸滿地豺狼殘宋業中
原麟鳳泣胡塵忠勳細寫西山石說向而今拜
墓人

送吳永年歸崇德

百里春江一幅蒲恬風引浪下三吳山城不斷
南通越水驛相連北帶蘇行李艷裝唯古劍客
庖供饌有新鱸燒林桃杏沿堤柳畫舫歸人在

畫圖

寄史黃門巽仲

湖上辭君雪夜船詩筒藥裹對群仙歸田錄在
 身將起封事囊多手自編碁賭有堂開別墅酒
 醒無石憶平泉春風兩度華陽約只尺煙霞又
 隔年

次韻子仁登臺送陳孚之

臺上青山臺下花送君春色漫無涯香來竹裏
 客庖酒煙起松間僧舍茶鳳迹湮隨榛莽廢鶯

聲繁雜管絃譁碧天遠影長江盡興逐西風博
 望槎

送人還金臺

習嬾衡茅此送迎題詩還觸黯然情歸舟江上
 人將別游子天涯草又生思入淮徐春雨暗夢
 過齊魯夜濤驚關心無限趨庭意東指雲霞滿
 舊京

挽袁使君內淑人

秋老驚風薄綺幃夜寒殘月晃羅衣南傷楚嶺

雙鸞去西望秦山一鳳歸瑟冷堯英期有伴琴
踈牧犢悵無妃百年終擬狐丘願夙約千金誓
不違

病中憶清風亭海棠

絳衣仙子馭青鸞飛下僊家白玉壇翠黛不禁
秋睡困粉香猶怯曉粧寒雲生綵樹愁成夢月
滿珠簾病憶看嬌艷正防風露重紫絲那惜護
朱闌

割麥

穠秀漸漸浪勢漫清和天氣尚餘寒過墟歌詠
悲殷相進食權宜想漢官歲稔已占二白足時
豐何靳二岐難冷淘槐葉貧家味免得臺司諷
素餐

送沐叅戎希甫出鎮金幽

萬里天書下五雲捧持猶拂御爐薰六門榮戟
龍章剖三鎮旌旗鴈字分令警焚酋通異俗檄
傳夷島盡同文平生壯志追前烈試看新功匹
舊勲

夢與張盛之夜飲賞菊覺得後一聯因足成之

范老湖頭舊圃芳
晚風吹雨濕銀牀
粉痕約畧微薰酒
艷骨依稀薄傅霜
山閣無情秋共病
液池清夢夜分涼
一觴一味吾人事
消盡江城漏點長

送劉廷獻之潤州

輕帆不覺下金焦
迤邐孤停斷港橈
江月斜傾蕭女廟
海潮平入許渾橋
吳東舟楫雙魚便
冀

北音書獨鴈遙無限
鄉心望鍾阜白雲千片隔
山椒

下第登雨花臺

八月南臺五度登
天風兩袖一枝藤
窮途愧擬悲秋客
逆境來叅結夏僧
山骨高於詩律瘦
江流闊與酒豪增
興酣我欲乘風去
孤鶴飄飄力不勝

復毛總兵大硯

石鑿青龍鐵勝堅
鷄窻磨洗未能穿
孟嘗行化

珠皆返趙使歸來璧尚全小技可堪封卽墨大
書留與勒燕然須知物自還元主耻作迂儒種
字田

次許彥明九日出郭

偶索黃花野寺過貪將酒盞對花歌眼前赤土
非吳有天外青山似洛多雲榻禪心秋海月松
窻梵語夜江波閒僧本是無愁者種種如何髮
也皤

送吳淵甫出令岳陽

城上青山城下湖僊郎官府似僊都地輿西去
雄吞蜀江勢東來迥帶吳草澤課稀魚蕩沒琴
堂訟少芋田蕪後先憂樂平生志千古希文是
範謨

客遊感舊和湯希堯二首

遊躅於今苦不前龍門歷覽是英年紫貂冲雪
燕京馬畫鼓凌波楚淑船楊柳登樓無舊侶桃
花題扇有新篇因君又觸當時興心遶江南幾
處天

劒匣書囊帶楚煙
湘雲嶽樹幾流連
弓裘白馬春遊帳
絃管紅燈夜宴船
香陌行踪延麗景
彩樓心事紀華年
無情惟有秋空月
同照離人兩地天

江村雜興

溪後溪前柳拂堤
村南村北路高低
陵螿火引粘萍上
田雉車驚隔竹啼
九月重陽新節叙
滿城風雨舊詩題
青青莫萎西原草
留襯尋秋瘦馬蹄

喜晴

苔錢逐雨繞階生
粧點貧家破屋清
浦樹帶煙朝有色
溪泉添水夜無聲
錦峯高出浮雲靜
翠壁斜臨返照明
萬頃嘉禾場圃足
腰鎌日日起秋晴

送沈生遊京口

君到金焦檝可停
艤篷先上二高亭
百川交會江來遠
萬古不磨山色青
未擬雄心探狼石
且將詩句洗中泠
海門十月霜潮落
水窟堪尋瘞

鶴銘

寄門生沈用立大尹

萬水千山寄信難
人傳高第最能官
兩年春雨雞窻夢
千里秋雲鴈字寒
禮遇絃歌須待化
政行鞭朴務從寬
嶺南民物今何似
要使窮閭枕席安

除夕

寒爐楮袖坐深更
兒女相嬉戀戀情
婪尾從孩先受酒
膠牙隨俗舊傳觴
就牀病鶴支春夢
隔

屋寒雞咽曙聲頭
白家貧書萬卷
歲華贏得眼分明

寄弔岳武穆

兩過錢塘兩謁公
栖霞嶺下是幽宮
人空有誓完西夏
樹亦無枝受北風
社稷命危孤立處
君臣身死一和申
我合皇迅掃腥羶
日似爲忠良補舊功

寄施以德次合雲樓韻

五百吳程路易通
月明兩地恨相同
雙魚歲落

歷代詩選 明謙子象
空江水孤鴈秋驚半夜風故里交遊情最洽老年文字氣猶雄不知多病東山客可在先生記憶中

聞鴻有感時舍弟僉舉卒于燕

寒林一夜起霜風鴈不成行散曉空洲渚有花搖歲月雪泥無迹辯西東天衢杳杳真非遠雲路冥冥竟莫通獨把遺文傷阿弟鵲鷓原上此情同

題鄭可之所藏鄭嘉言遺墨

翰藻詩葩墨尚濃匆匆歲月識題封牀頭遺紙無殘蠹砌角哀聲有斷蛩千里燕南來遠道故人江左是同宗錦囊燈下頻披閱不覺秋襟淚點重

次儲少宰柴墟除夕二首

鶴立空堦吏散廳週簷古栢耿踈星歲華不負春盤綠勲業無慙曉鏡青榜冠群英詩壓鄭門多諸從易傳下烹茶自把梅花嗅誰識先生是獨醒

更鼓迢迢報訟廳斗回寅位轉三星勝傳靈照
金花巧酒送宗文栢葉青郡有辟書逢舉歲已
無征役到閑丁年華五十今逾二已覺虛浮世
夢醒

楊州馬次甫見過病中以詩道意

三百江城一日風又從橋口繫孤蓬忽驚深巷
來佳客不厭寒門問病翁舊事多傷春鬢白好
詩留剪夜燈紅堦前即便呼兒拜眼底誰人識
馬融

二月十五日予臥病杜門憶前月是夕開
宴湖上感而有作

元宵雪月譙湖亭十里燈光燦列星蝴蝶有情
迷楚夢杜鵑無語托湘靈雲深僊府花成陣香
擁侯家肉作屏一病自傷春過半可禁堤上柳
青青

同白巖喬司馬遊東園次韻

割得鐘山一段青青林杖屨愧頻經水邊旆影
魚知避松下碁聲鶴解聽走壑竒泉噴夜玉攢

歷代詩選 明謝子象
峯恠石化秋星廣庭不用重裊設繞砌苔錢繡
錦萍

宿姚氏延秀山房兼候王元孚不至

何處平泉別有莊新堂西崦築溪堂水風吹酒
涼侵枕山月窺人影到牀睡熟黃紬詩夢遠坐
銷紅燭世機忘多情摩詰應趨約誰貌騎驢華
子岡

東園探春次韻

二月探春春事微留人無計網春暉山容帶凍

花應嬾野色慳和蝶未飛晴縠漾波驚石瀨午
光斜日蕩林霏白頭多病防多酒風雨危橋怯
夜歸

輓錢文翔窻友

業卒成均嬾拜官老歸林壑寄幽歡文章南省
秋雲薄燈火西窻夜雨寒長劍提攜空自舞孤
琴零落向誰彈江山何處桐岡路望盡晨星淚
不乾

送吳至大之安慶

牛渚風潮泝九華知君五度泛仙槎三書可上
 新侯府一榻能忘舊主家山勢楚來還北拱江
 流蜀下向東斜精忠為弔余公墓好酌村醪薦
 水花

次韻李侍御師文送予遊茅山時李在東

莊督田

夕陽倦鳥自知還東去飛雲不可攀大塊此身
 如客寄深山一榻似僧閒徑荒松菊今猶在路
 塞荆榛久未刪倚杖詩成看天印晚風吹酒上

醜顏

喬司馬席上送春限韻

恨別江淹獨黯然惜餘供奉更堪憐窻前讀易
 人孤坐燈下苦吟僧未眠斗欲旋時還北指日
 難留處已西偏曙樓莫放鐘聲過回首東風又
 隔年

飲黃氏園

春色休論郭外尋城中泉石此山林對花宜醉
 十分酒買地不辭千笏金雲幕穠薰脂粉艷風

歷代詩選 明謝子象
簾低約珮環音主人多少留春意未許池塘變
綠陰

十五夜

海上晴雲擁一規盈當三五筭無虧初窺枕簟
涼先覺漸轉梧桐影不知皓魄滿天呈彩夕秋
陽入地藉光時狂歌欲向清虛問兀坐孤停李
白卮

雨中過徐氏園

宿醒連日未回醒來坐清風孺子亭薦酒細浮

寒菊艷和羨新剪夜菘青重過不厭淩秋雨良
會休猜聚德星有客倚燈低度曲知音誰解隔
林聽

花朝日雪用韓子春雪詩韻
候愆微叶咎時稔問占謠北濕留終駁南榮積
遽銷歌鴛遲騁舌舞蝶避爭腰玉碎偏依樹綿
飛不戀條濕輕茅護宇泥薄路通橋水鳥來仍
去風帘定復搖癡情矜麥歲恣態妒花朝傳杏
前村遍隨梅迥野飄甕融俄徹壁達渙卽藏綃

當令東皇在嚴威未用饒

題畫

悠然植林叟忘機坐日西灘聲與人語相逐下

前溪

蕭山谷

岸帶青桑浦江環綠篠灣小航留不住日晏過

蕭山

會本雜畫

玉環施艷粧卯酒睡未寤秋光如妒妍胭脂

寒露

山亭

山亭棲斷阿嗟予三月病扶衰試重來秋苔迷

石磴

西津

青藜步柳陰已識西津路白衣歌水涯不上西

津渡

夢中作

瑤瑤洲畔拾芙蓉玉女青童兩隊從明月一江

歷代詩選

明謝子象

次集卷一百廿九

三

天似水夜涼騎鶴下西峯
牧龍亭雜詩

白沙一路接長坡處處蠶桑處處禾
過午野田啼鳥歇
棟花風送踏車歌
白木橋水戛不土西
長揖耕夫問牧龍
蒼峯東指塔重重
郵亭歲遠無門榜
破屋墻邊四五松

細風吹雨散還收
四月輕寒正麥秋
梅子已黃蠶已熟
蒲村桑柘叫鉤輶

水僊花

兩娥湘浦倚秋清
九處峯巒九繫情
玉露半空明月冷
西風吹落珮環聲

雲霧絕句題芙蓉
愁寒木末弔沈湘
萬古江流怨與長
何似霜花識幽意
年年秋晚爲舒芳

紫毫濡染墨淋漓
木末孤寒誦楚辭
月黑林深湘渚夜
一天風雨泊舟時

望峯題畫

崖穿晴瀑懸林白樹滴寒嵐墮右青天目舊程
行頗慣馬頭秋色落雲屏

睡起口占

茶淪花磁洗睡魔枕流亭上暮涼多狂飈吹下
西山雨一片秋聲戀敗荷

湘江風雨畫竹

雲深蘭露泣雙鬟懶髓流香翠點斑一望蒼煙
三萬里不知何處九疑山

辭浙東湯希達周叔謹

菱湖柳岸水禽啼野鶴沙鳥恨不齊夢斷蓬窻
懶回首一溪晴雨過塘西

林深畫竹爲湯宗器題

曾記瀟湘繫短篷隔江煙雨翠重重驚雷忽報
春消息一夜靈根長籜龍

題扇寄希仁

雪晴莎暖乍離家北去頻看鴈影斜回首江南
春漸老東風開到紫荊花

送李習儒還長沙

歷代詩選 明謙子象
楚江西去亂峯青日暮風凋折柳亭聊把離觴
聽瑤瑟尊前一曲有湘靈

題相思鳥

俱飛並逐綺園春互語相思字字真啼到苦心
聲莫放綠窻驚起病春人

四月十日過東山小莊漫興

林深樹杪掛藤花石逕初來路覺賒割盡黃雲
農未了棗桑陰裏闔栽瓜

又

茅茨喔喔亂晨雞紅日穿林樹影低圃上軸聲
驚打麥黃鶯飛過綠陰啼

送劉文獻

石城柳色春猶淺錦席燈花夜未分明發北風
江棹穩思君又隔洞庭雲

絕句

扶得青藜到水涯東風嫋嫋墊巾斜吟情還爲
春情惱紅杏枝頭已着花

送薊門客二首

秋深又送薊門驂
林樹塗霜葉正酣
千里羈人憐遠別
鄉心夜夜丰杓南

秋晚辭家到及春
江山如舊客愁新
多情最是隨陽鴈
年去年來解送人

絕句

步出吳門入古林
松濤竹籟互酬吟
稚圭不用仍移檄
猿鶴應知近日心

竹上白頭

碧霄雲路幾升沈
楚楚毛衣太古音
自笑白頭

無伎倆堅持一節
老山林

絕句

鏗鏘戛玉能清耳
瑩徹噴珠可濯心
何處人煙隔塵海
不知身在翠蘿陰

寄何圖樵一絕

山中酒熟君思我
雪裏詩成我寄君
東望海門三百里
不勝離思亂江雲

畫鴈

湖上蘆黃水拍天
湖頭人去少書傳
秋窻正有

孤眠客莫送哀聲到枕邊

李潛夫畫

銀河無路泛仙槎一舸空江此是家
殘月照人秋睡穩不知清夢在蘆花

送鄧以敬

貂蟬家世舊王孫西指濠梁是故園
雪霽四山狐兔出笑攜弓矢獵平原

石倉十二代詩選

明次集卷一百廿九卷

石倉十二代詩選

明次集卷一百三十

迪功集

大明

吳郡湯 珍著

後學曹學佺閱

秋日遲文衡山先生不至

蕭蕭振飄風霏霏灑芳澍遲客向南軒
徘徊眇庭樹似裝戒星來傾羲未云赴
鳥鳴不相求反已每自顧我思鬱以煩
孰克揆其故遐心邈霄漢倏晷淹難度
沉憂抱孤景中結豈外慕今甫既無成
何由紆雅素申訊吐清謠殷勤待良晤

贈別全州四友

南州實楚壤湘水分洮陽茲維五嶺表帶海襟
蠻荒土風藹清淑秀發人文昌濟濟多士美接
跡參翱翔二唐本華胄崛起名相望經君流朗
照鄧子葆真光挹之信可親測之愈汪洋絕群
峙鸞鵠炫目森瓊琅投懷濫追厠披寫何能忘
雲霄有程期行行去轍長緬增離析嘆春色遑
河梁

光福寺

登登鄧蔚山飛構見古寺橫割鳳岡青平臨錦
峰翠誰移白銀闕置此佳麗地下負巨神鼇萬
古永不墜草樹多攢花雲崖賸題字旭日射寶
塔珠光盪如碎迎門有老僧臺客不相避和南
揖就坐蒲團各分位香茗無雜供居能自清異
我彈瓦棋盤彼弄鐵如意玄言悟三空心兵欲
遐棄

虎山橋

太湖三萬頃波流浩融融長鯨枕其股架石仗

神通左臨蛟虬窟右瞰馮夷宮大觀愜平生與
世辭牢籠坤維斷鼇極日觀飛穹窿孤帆滅天
際遠嶠浮煙中陰晴變昏旦狀態未有窮扁舟
忽在眼緬想鳴夷公漁歌何處起唱入桃花風

魯秋胡詩二首

結髮諧伉儷過征迫王期棄置嫵婉戀行爲好
爵糜言旋故里轍邂逅舊儀容別衷曷以寃詭
辭相給欺不然桑梓中茲維敬止時奉金爲母
壽慰此合歡思流目豈足盼調笑何當施屈辱

一朝名徒令萬代唾

其二

自若之出矣五歲恒食貧力田非所任力桑由
妾身色養給晨夕一意待良人惜哉不相諒片
辭難重陳桑葉何青青蠶繭亦振振黃金高累
屋視若飄風塵白璧誠少玷有如此河津全軀
眩昭昧孰克表千春

出東門行

出東門何所之倚行劍對酒卮耻爲兒女泣相

持青春遊子當及時西指秦中道北踰燕趙陞
隴首白雲遠天涯紫鴈悲勸君不若返故鄉衡
門之下堪栖遲

廣武行

按廣武在敖倉西三皇山下爲劉項戰
地阮公常登覽嘆云時無英雄使豎子
成名微指曹魏司馬公也余心壯其語

因表賦馬

噫嘻廣平古戰場據敖倉而倚滎陽負山阻塞

扼險要楚漢相持壁壘當是時龍虎方交鬪結
陣連軍昏白晝重瞳取霸寔暴興豐沛真人乃
天授平沙落鴈下高城戍草屯雲夕照明蝕泥
斷鏃猶封血夷竈餘基尚有塋山川好在殊今
昔往事銷磨但陳迹鴻溝卽使遂中分兒戲輿
圖輕一擲慷慨何人阮嗣宗醉眸傲睨乾坤中
覽古黃河氣填臆長嘯茫茫徐泗空憑高指畫
爭衡地悵惜英雄生不世彼豎子者豈數名鼠
竊翻能盜神器神器雖可盜天意寧可欺太阿

不火柄倒持弱人孤寡還自傲覆轍循環空爾
爲

上新河觀練水軍歌

建業城西上河口大江控截金陵守 聖祖經
營置水軍結壘轅門環細柳兩翼廻渠伏港通
魚麗櫛屮藏艫艨太平講武三時暇教演時當
十月中是日風恬波浪平圍營號令傳分明對
壁虛聲張寇敵旌麾簡出橫江兵箭羽槍纓光
映掩鯨奔鱗逝天爲慘赤壁曾摧魏武師襄陽

直破楊么膽朱袍牙帳樹中堅錦帽花靴簇兩
邊水后天吳稱警肅客檣遠避驚鴻旋砲鼓煙
騰川沸動轡軸相啣萬聲闕青山漠漠愁渚宮
白日暉暉撼雲夢先鋒一舸鼯前歸報捷謹呼
疾若飛鉦鏡並奏齊天樂虎豹交讎偃月旂吁
嗟訓旅雖近古將軍莫浪誇英武君不見江東
水戰推吳人使船如馬真絕倫王濬揚帆一夕
來洋洋天塹同平津又不見陳家江總歌玉樹
謀國書生成大誤朱雀航頭烽火紅折蒂憑刃

競飛渡嗚呼此軍此舟胡可無屏翰干城存廟
謨不然徒爲兒女戲衣帶浮漚作何事

題沈石田效朱元暉雲山圖

春山蒸雲濕糝糊春樹凝煙渺有無汀花岬草
愁相喚蘅渚蘭臯低自紆江南雨景真貌出世
傳曾有元暉筆石田老人近代豪步驟耶鄴更
超逸越溪難注消夏灣胥口波濤杳靄間西遮
震澤雙螺小北走靈巖萬笏還江村橋外炊煙
夕上沙下沙水涵碧似聞茅屋啼斑鳩無那東

風搖燕麥沉吟憶得畫中詩灑墨揮毫興發奇
並驅逐鹿知誰手何必敷文待制爲

銅雀臺

自失平吳策空名起鄴臺餘香殘篋冷促柱短
歌哀漢水漳河盡當塗典午來西陵松栢地旋
接北邙萊

寺門

寺門山麓峙當面更青山渺有煙霞想誰參秘
密關僧穿松徑去童汲井華還塵海茫茫遠三

生夢覺間

許攝泉見過山中失逐賦此解嘲

久孤南望約枉沐北山臨掃壁真題鳳攀雲獨

抱琴午齋留石鉢寒日靜珠林自是攢眉去非

因白社深

自失登城

行躋覆舟嶺睇覽秣陵城壑聽松濤湧林窺鹿

子行荒涼梁堞散埋沒晉丘平皎皎江南月空

流玉樹情

途淖不一輿由土橋取山徑往朝陽門作

別路循山坂肩輿出淖泥崇岡帶連嶺古廟枕

寒溪水落通前澗峰迴豁近蹊王城千雉壯蹄

輻會歸齊

三月晦日作

江南櫻筍候浥浥綠陰鮮雨漲桃花水春催麥

秀天燕泥增舊壘槐火接新煙膩葉留殘萼啼

鶯亦解憐

大雲菴

清陰閒寂境過雨午生涼水漾潭雲碧花牽石
蔓香竹苞新脫粉鶯舌巧調簧採蕨烹葵筍難
消道味長

石橋

時雨如膏沐能添竹樹鮮石橋分野望雲日澹

川煙僧笠歸花外漁舟繫柳邊村村逐芒種播

穀滿菑田

文公房晚話

逐處留香茗忘歸道室開飛蟬空外咽怖鴿鏡

中迴野客耽幽趣禪宗挺辯才涼風忽吹至仙
樂九天哀

秋山月下作

長歌不為勞起舞興蕭騷石壁雲芝秀風庭月
樹高金蟄窺塔相玉兔鑿林毛衣露漉漉濕秋
聲捲夜濤

晚酌湯以遠姪

山居分礪壑鄰卜並煙霞地勝秋依竹人幽晚
對花解衣披石蘚飛竿斂城鴉楚楚吾宗秀無

嫌玉倚葭

秋日同徵仲太史宗子伯昭遊虎丘作

殿堂突兀倚秋曛
劔壑經臺鬱紫氛
落水俯窺滄海嶠
飛鴻遙送洞庭雲
登臨洵羨仍吾土
汗漫相期况有群
擬辦草衣謀小隱
肯教重勒北山文

十日陰晦漫賦

昨日重陽今日陰
眼前時事漫驚心
紫茱黃菊餘幽興
白石青苔伴獨吟
萬里鴻冥聊下上
百

年龍臥信浮沉
高情亦復如元亮
不見王弘送

酒臨

重陽後二夜對月寄孔加式如

絡緯鳴螿傍草堂
紛紛涼月照衣裳
空雲散落星河影
葉露溥來竹樹光
好景正緣憐永夜
清言無奈隔華觴
高陽多少登臨興
儘把閒情付葛強

酬張員外永清

闕下逍遙鴛鴦行
省中題署漢僊郎
春田花樹

傳新賦寶劔虹文識夜光高意欲脩蓮社約野
情時合竹林觴江梅玉笛空愁思慚對瓊瑤
報章

秋日虎丘

白雲蒼靄迥秋清碧嶂丹楓媚眼明雉堞樓臺
披下上塞天鴻鴈度縱橫珠光乍轉層層塔暖
色猶啼款款鶯休倚夜中看劔氣古崖哀壑闕
金精

雪

常年臘日多風雨今歲吳門雪再飛積葉封條
輝玉樹驂蜺策鷺舞瑤妃獨吟何遜梅花句細
點王恭鶴氅衣莫訝梁園無賦客倦遊心事長
卿遠

次韻答顧子榮

搖落三秋木葉稀暮雲翹首思依依高城背日
江流細遠市浮煙塔影微蔣徑已叨今雨洽陶
詞休賦昨來非漸林不斷鸞凰翼始信人間德
有輝

次韻答吳吏部純叔早春見寄

落落乾坤任此生悠悠岐路苦難平
鑿坏顏闔元逃世賣藥韓康不事名
白雪摻停花下石紫芝歌和竹間鶯
江湖滿眼乘春興擬逐鴟夷萬里行

呈吳子純叔

北郭開堂賜養豐西山拄笏翠煙通
膝前已遂承歡志海內偏欽引遄風
水檻觀魚花戲沼松庭調鶴月流空
遙知三徑多游暇何事求羊興

莫同

庚子至日

日臨南至陽潛復雲物呈祥總可書
海上已平新戰伐山中堪狎舊樵漁
揆才襍線慚終瑣測景駒簷覺漸舒
酪酏卽須酬令節芳樽浮醪莫教虛

竹堂寺同徵仲太史祿之吏部看梅

二月尋春春始分輕陰漠漠殢春雲
已窺柳色偷青眼更傍梅花藉晚芬
映日樓臺山郭見穿

林鐘梵石堂聞年來自笑多
樗斨長在空門野
衲群

顧氏園賞鶯粟花

四月餘春春事凋
竹闌石徑賸炎韶
殊救各自矜
顏色縵立相將學
舞腰蝶趨風香狂
不奈日烘霞錦麗
難消海棠屏障
梨花檻腸斷
芳魂擬共招

五龍堂

烏鵲橋南訪古遊
五龍祠宇湛靈湫
荒臺半蝕

穹碑字潛竇遙通大海流
玉冊金文昭徃錫金書
玉簡赴冥投腥風白晝
猶雲氣寂歷墻花徑
自幽

文太史新成玉磬山房賦詩奉賀

精廬結構敞虛明
曲折中如玉磬成
藉石淨宜敷翠樾
栽花深許護柴荆
壁間歲月藏書舊
天上功名拂袖輕
草罷太玄無客到
晚涼高棟看雲行

題寄大雲菴滄浪上人

子城南畔古滄浪，複樹迴流匝寶坊。
幢影倒凌波石動，松陰斜拂島雲翔。
幾隨詩客來投社，每憶經僧坐品香。
隔市梵音知不遠，翠煙深處有禪房。

湯君子敘致安吉學政歸家喜贈

春風解組發蒼溪，吳越山川望不迷。
六載舊羶空苜蓿，五湖歸棹動鳧鷖。
尋盟桑梓花迎笑，得主園林鳥換啼。
過眼榮枯成底事，紅塵休問路東西。

井賦
簡袁五求之

高才流落意何如，謫宦茗溪好卜居。
雪後屢移安道楫，秋來真釣季鷹魚。
飛騰江表曾無匹，著述周南獨有餘。
准擬書成囊篋滿，荆山元不掩璠璵。

山中散步

短屐紆徐隨散步，草香苔綠興無涯。
松間小院深藏塢石上，迴廊曲繞花長嘯。
有誰臨壩壑細吟容，我占雲霞會心啼。
鳥相求處佇聽嚶嚶竹。

日斜

鷄鳴寺納涼簡山中同志

巖陰崖翠隱玲瓏
高閣迴廊塔院通
愁見炎埃妨下界
快聞鈴語墮虛空
江雲盡歛舒山月
野鶴羣飛趁晚風
爲報白蓮堪結夏
幽期能許社相同

高座寺小憩

天風拂袖下岩堯
度竹穿松興未消
磴石青苔扶短策
寺門黃葉認前朝
坐依佛榻聞清磬
渴

飲僧厨借午瓢
愛殺長干秋色好
客遊寧待菊花招

秋日臨浴賢池

嵌石穿雲歷翠微
地中哀壑一泉飛
晴光漾日沉苔碧
秋色題詩度葉緋
縈岍霜花低裊裊
傍人沙鷺炯依依
要知昔日臨雍意
真脉流源自有機

詠虞美人草

垓下悲歌夜帳寒
美人無奈返魂難
死當爲卉

隨春碧生誤如花染血丹胡地并傳青塚怨楚
江休比馬嵬看縈煙法雨年年色添得王孫恨
渺漫

雞鳴山塔

鬱紆欄檻起玲瓏金艫高凌絕頂雄四際山河
雲靄散中天鈴索梵音通神光獨轉千輪藏元
氣常含萬里風半夜天鷄鳴曉色扶桑先影海
枝紅

穀日

人日纔過穀日來冷雲陰覆姑蘇臺春姿欲動
梅羞澁華髮相將歲暗催憶別獨吟東閣雨息
機行剪北山萊清歡不爲窮愁減甕綠浮浮釀
好開

贈沈子潤卿

齊女門南一草堂藜梅高柳鬱成行青春步履
隨藜杖綠水臨濠看野航解組儘容陶令醉典
衣休笑杜陵狂閒情草就郊居賦不羨當年顧
辟疆

長安門西道苑墻雨後經眺作

紫宮黃屋邃森沉馳道周廬肅羽林樹裏啼鸞
清禁切雨中流水御溝深松篁並落鐘山翠雲
霧長依漢殿陰此日歌謳歡在鎬草茅何以嗣
華音

泊徐州再宿對月作

風煙漠漠路漫漫迢遞偏嗟作客難茂苑音書
千里隔彭城月色兩宵看星涵河影垂平野水
觸洪聲瀉急灘更倚五雲瞻北斗清輝玉宇不

勝寒

留城懷張子房事

塵沙漠漠古留城食邑曾開萬戶榮主鬱肯教
移漢嗣功成終隱爲韓名從容幃幄風如在導
引神仙見獨明矰繳不離鴻翮遠巖巖黃石共
高

由玄武門出西華禁中作

步躡金鰲傍紫霄宮墻周望鬱迢迢昭陽樹色
連西苑太液波聲出內橋殿栝蒼虬雲氣吐露

荷仙掌日華搖瓊籤忽聽傳壺史晝漏沉沉籟
宿遙

奉和文太史懷吳下諸名藍之作

朝衫微染洛京塵故國旃林入夢頻八解不迷
靈鷲石七花長繞給園輪秋風香鉢萼猶細夜
雨蓮堂句獨新卽擬慈航乘覺海煙波何處問
前津

承文丈贈行之作賦答此章留別

脩途日暮倦驅馳又向金閭悵別離遊子乘春

冰霰後東風含綠柳條時雲中鴻鴈哀求侶江
上蘭若好寄詩回首親交何處是故山應念舊
襟期

詠火鑪一首

良質列五金矩形存巧泊靜觀水火爭我是忘
言者

東園其二

緬維點雪功屬爾禦寒器心燼不復燃畫灰漫
成字

雪後簡鮑惟寅

晶晶日色弄晴雲
消得堦頭雪幾分
一樹梅花東閣晚
詩懷偏屬鮑參軍

答蔡子煎茶治平寺之約

試茶曾發山中使
紫筍椿芽已過時
今日文園人病渴
竹林疎雨夢幽期

懷湯張二子

改罷新詩獨自吟
憶君不至意沉沉
疎花對雨平欄靜
芳草和煙古巷深

送蘇子升往萬川南

荆門西去接夔門
三峽波濤不可論
一曲驪歌臨別酒
楚雲巴樹總銷魂

又

采石江頭芳草萋
娥眉嶺畔曉猿啼
扁舟穩泛桃花水
好逐春風訪漢西

凌霄花

百尺高藤樹杪懸
朱英燁燁綴青煙
夕陽似與矜顏色
爛着丹霞媚遠天

天馬詞

萬里嚴風敝鐵衣
二師初釋大宛圍
漢家空却千羣馬
始得流沙一騎歸

越溪柳

越王戍畔柳條春
曾送鴟夷萬里行
肯道西施無別恨
翠眉今日效誰顰

其二

掠燕藏鶯碧潭絲
牽縷結弱難堪
可憐庾信多蕭瑟
猶想春風似漢南

未治平寺西園新筍

禪榻茶煙颺鬢絲
紫苞犢角劖泥滋
輕雲過雨南山碧
練鵲雙飛上竹枝

憶梅花作

城梅舊賞竹堂幽
山寺楞伽花亦稠
今日春風並寥落
石屏驚夢到羅浮

城西遊乘乘月泛舟由胥江至西虹橋作

嬌歌宛轉醉花前
歸去蘭橈漾錦川
十里春城燈火接
月明樓閣萬家煙

秋夜即對閣萬寒慙

明河流影散雲霞南斗離離北斗斜月色露華
京似水金螢飛墮玉簪花由香云至西地濕
並寒金陵送客

紫鳳臺高飛綺塵柳條如帶綰離人勞勞亭下
南遊路腸斷王孫碧草春

南山潤州舟行作

河洲春苗紫蘆芽綠水清暉弄客槎十日南風
吹未息殘梅猶發短墻花

冬柳

大通街北竹橋西枯葉衰楊傍岸垂莫悵霜條
今漸脫春風吹綠只移時

長門怨

少小憑恩出主家更憐金屋擅豪華長門亦是
行宮地容易春風怨落花

石倉十二代詩選

明次集卷一百三十 終

石倉十二代詩選

明次集卷一百三十一

石倉十二代詩選
明次集卷一百三十一
石倉十二代詩選
明次集卷一百三十一

今燕州秋風吹綠只如秋

大國南風竹葉寒
秋風吹綠只如秋
石倉十二代詩選
明次集卷一百三十一

冬林猶發短牆花

石倉十二代詩選
明次集卷一百三十一

吟藝存卷

大明

候官傅汝舟著
後學曹學佺閱

寒時泛湖

出自錢塘門延佇西湖濱
寒冬十一月松栢淒
已陳積水何湛湛樓觀列青旻
微陽迴景光俯見白骨新
白骨一何多為遊冶人生存
娛斗酒一往成灰塵
妻子臨堤泣倉卒恨未申
哭者聲自達歌者聲自頻

除夕

天運不恒居乘除互肇端始我乘秋邁旋茲歲
聿殫序退氣自促景晦物無歡何況霜雪盛還
望阻鄉關孤鴈追北行列星迴中天顧此客行
子廓獨處河干列燭室不明殺臧不成餐豈我
寡親愛徒依同時嘆憂來如有去老至亮無還
幸有黃鶴期可以慰心顏

於道路古事

喬松生峻岳修幹槃青宮被蒙棟梁會斧鋸運

成風翻跡浮江嘆辟易上方供斲以公輸子丹
漆百十重美材施壯麗通天守高崇白茅亦何
須傾根俟卑宮

秋氣感長門出戶觀列星東井聚五緯玄象豈
非明雞鳴思晨集鷓鴣迅宵征徘徊白露下傷
我美人情

昔聞燧人氏造火遂生人羶羶旣革變戎器亦

歷代詩選 明倫彙編 家範典 卷一百一十一
時因用之苟失御禍克難具陳悟彼燎原端何
况雲霓屯嗟嗟逐獸子豈復憂積薪弗戢將自
焚願以書君紳

丹穴白鳳凰瑤池三青禽世世結歡好諧鳴雲
漢濤毛羽豈不異所貴同德音如何修文氏矜
長互相輕骨銷毀所由交道誰不傾交道苟無
益嗟吁建英名

入龍虎山一首

下帷亦何爲逍遙窺我園蓬麻正相扶桃李果
無言中有曠寂地芝草鬱芊芊延睇見仙山長
松紛上千柯氏九人者乘龍逝不還空餘紫金
經秘之岩穴間聖道日陵夷仙經亦云殘不如
放我志閒居以延年

入龍虎山一首

安邁欣孤舟幽慕佳仙巒緣蘿步自升蹇岩篠
隨刊峰詭攢紫雲石妥基玄壇旣蒸羹茵茵亦
豐英琅玕紫宮象皇居金榜耀宸翰世代隆天

師休沐賜真官欽聖法龍胡朗僞斥馬肝道存
符可合事徃理誰詮獨况申岩居浩懷赴川觀
懷况具超展物故非慨嘆

閻阜山一首

群處紛生慮孤遊規性適適性賴山水在客眷
彌獲昨策洗玉池於今憇玄石發地峯森竦負
暄鹿充斥稠巖興霞文複澗貫泉脉璿臺何其
峻丹梯百餘尺祈祈春朝素流迤邐景山鳥昇
幽業動猿呌自雲隔仰傾寒瑤華俛戀掇水碧

物願累自蕩賞散情無擇窟宇孫被髮雲峯謝
滅迹良覲冀古人喏然終日夕

盡前湖上

萍泛春旭更林息人煙少花地上紅葵禽枝入
黃鳥湖占蛟房黑樹主鴈堂縹閒心荅幽雲窈
窕行天杪

登三仰峯

武夷多奇峯高者是三仰丹崖更安排不獨似
懸勝千步覆石廊曲折復下上岩樓開豁豁面

歷代詩選 卷之八
勢極窳寔傾穢獨照曜亂石互羅網中有碧海
桃倒懸不盈丈千歲無復長觀茲神理功吊古
忽然惆藥爐吹死灰葛翁亦長往難聞白鶴音
徒結紫霞想平生巖穴心睠此據招朗

黃真宿山心求樂庵主

朝登三仰峯夕宿山心庵久入名山遊蹊徑頗
盡諳始知九曲外復有南山南森邃更險豁深
篁倚煙嵐沙田稻翼翼巖桂花粃粃疎籬隔雞
犬朽樹藏蜂蠶嘗傳武陵源彷彿有捕魚潭伐木

不到遠却留松與栴雲光卸杖屨回首望石龕
澗芹食轉美草榻臥正酣枕中有鴻寶何必問
老聃長往來知返多爲世所慚乘此遊遊亦
大藏巖

懸棧何歷歷仰眺以盈把縱橫風雨交錯落星
辰寫鵲橋勢不如鷄窠制仍野悠悠百代來誰
是巖居者

與林施諸子秋夕自藍原遊雲谷至澄澗
迂宿保國寺寺在九頓峯下

出山復入山迂策桃花源本爲遊覽來行止未
須論十里到谷口九峯廻寺門老僧夙好事深
夜具雞豚飲酬自閒細酒中有真乘良朋發簫
鼓野客擊鐘磬躊躇煙語微蕭索月林暝明發
望莽曦千崖一微徑

鹽田渡

生長在海濱未嘗泛滄海今晨乘船遊波浪亦
自在龜鼉避不翻天水遠相迨無由覩百靈空
想噓五彩玄珠罔象收神物誰得採唯聞櫓聲

齊亦爾歌歎乃蓬山路不迷黑髮恨將改何因
接洪崖使我無後悔

吳可中興福寺觀魚

掬水既有竹決水復有渠經年水在眼堦除到
江湖好魚數百頭餅餌日供須新泉呷復吐點
綴盡成珠善識上官面更容生客呼但恐一宕
失求爲山下枯

雨中中秋石龍庵

昔我遊幔亭極高攬秋月清光洗列洞可數仙

人髮今宵此山中乃爲天所罰狂飈起石龍黑
雨打林樾燈前對佛經逐字猶鶻突遙思芙蓉
園白鬼定在窟老弟能大觥諸朋更奇崛馳情
不成寐一夜夢飛越

遊太姥石門

名山多石門太姥奇莫狀想當開闢來必有萬
鬼匠大石架不如小石巧相放乍看怖欲墮諦
視極牢壯一夫過僅容雲至不能讓初從俯身
入棧級屢下上天牕漏日微龍井滴泉旺暗折

展復光九門遙趨向出門見石峯秀色九天望
一削倒地平匪特取屏障霞古盪幽痕真骨固
無恙老樹多生芝幽泉亦成浪好鳥時出遊於
人每相撞始知東方生圖記語非妄斯遊滿深
衷何以答神貺

古雲巖

靈區莫真巖綴乳富奇狀麟身儼石體仙背光
壑相籠日玉帳豁承苔寶蓋壯左龍交右鳳下
洞逗上嶂晶熒非一文窈默是幾剏古鹿遊到

止情鶴舞來向紛吾臨以遨衆念宵然喪惟餘
伺鸞賓疲思綠雲上

龜峯

古雲化竒峯宰割皆琳琅想經媧皇鍊色色爭
光芒麗刺萬夫目巧脫三島囊高者觸魁斗低
亦吞戈陽削壁刮冰眼拳石住鶴房詫當微雨
裏容此明星光標名恨遺漏取象省謬荒傳是
徐鉉宅古寺閣自唐鼠雀聞佛頂方袍巧逃亡
誰令此福地零落熱客腸倘非逢勝友難盡覽

歷詳曰予武夷來靈竒慣品量潤膩欺幔亭丹
壑則相當巔攀病足展峯影倒地蒼巖泉酬好
韻吟鳥勸我觴最後有彩壁五色錯天章遊馬
疲不跡惜哉誰見揚乃知一世間至人多遁藏
我欲把雙劍揮霍踏雲翔臨風忽自笑桃花引
歸航

梅莊子

瀟洒錦里園寒梅競芳芬瓊花却素月瑤圃詎
足云風携落花起送香天亦聞之子商巖英賞

歷代詩選
贈野泉余琴士
虎爾先導青螭瑤華寒翕絕寄以遙相思
歌綠雲飛至今結元氣萬壑回春姿我蹇守白
人綦緬昔林與鄭於焉清道機金竈炊玉煙連
何嶺出天上寒型渺雲涯湖歸九公鯉巖曝仙
漿勸花就微醺花似解人意何以答殷勤爲君
結佳實策彼金鼎勲言謝李與桃灼灼亦何勞
冬日送人遊鯉湖

昨訪梅花巖洒落觀飛泉因懷流水調哀玉雜
冰絃樂失求之水在野有遺傳之子抱桐響與
泉相悠然誰哉洗俗耳直駕鐘期前

杏花迎馬色忽忽過此橋非關春事引想是碧
山招回首天台瀑千年挂紫霄

其二
金塘對幽人玉經付童子柳陰曾歇煨漁笛砒

俗耳微微齒蓄風白雲隨之靡

藍子激甫招登白塔過平川微雨信宿董

氏留贈諸昆

隱君家住平川上清流十里平如掌高門華屋
世屢胄芝朮桑麻日爭長男婚女嫁賤珠襦弟
勸兄酬足盆盎過客頻留宿水堂居人尚爾稱
山長畫苑冰濃碧碗漿夜庭錦爛丹書幌諸郎
索詩義不薄野夫據榻顏真強寧嫌風雨阻登
臨且戀丘園敘鄉黨卜隣倘遂武夷居九曲扁
舟共來往

姜侯公堂長句

姜侯平生最清苦今日高筵槌大鼓千回異味
出脩竹百轉新聲入疎雨肉食祇應供宦達客
遊何敢當賓主真緘長者賜繾綣故爲野人破
規矩憶昔與侯交不稀府中常坐兩布衣白泉
太守每下榻黃堂諸公時叩扉北風忽散南雲
會朱汪哭母張陳歸太守近始到百越高郎遠
自遊兩畿參辰落落存北斗侯亦南遷此州守
三年長寄海上書八月重斟菊邊酒楚鳳抽身

歷代詩選
避鷓鴣魯鷄徒翅逃風后滄溟釣竿不負人日
暮高天共回首

七夕憶山樓歌

今夕正七夕我船橫傍雲夢澤旱火焦龍蛇弦
月熱光赤舉酒望青天茫然忽自嚇洞庭木葉
連山來始知欺我久行客前年繫船雲頂舖是
時辭家五日路黃姑織女笑向人笑曾贈以錦
繡句蛟湖去年好月色主人敬客金壘逼鐵笛
鏗風銀浪湧船底如聞蛟嘆息黃鵠萬里心大

鵬垂天翼月落不可救人生樂須極別家已九
秋心與天悠悠閩海本天尾楚山却天頭此中
不見月想掛故針樓家人望月坐樓間宛如待
我緱氏山年年白鶴不見影遙憐氣悶盃長閒
盃長閒人未還君不聞六安行火與天通王喬
實遇浮丘公幸然蹤跡二子同更欲過覽軒轅
宮歸歟兮歸歟丁戊兮山之下赤龍低頭會有
時冷煖時人惡足謝

高房山小畫

春山溟濛氣欲滴古絹元代標房山空亭盡與
 惡木離恍有仙客遊其間吾鄉漫士早學此筆
 意迥入房山裏晴天簡點更摩挲蒲堂煙霧來
 無何

遊東禪同諸子分韻得獨字長句

空山夜寒雨霖霖招尋擬共山中宿古殿迴廊
 隱雜花曲亭短徑穿高木已忻出郭陪妙賞可
 愛專城得良牧酒饌提攜興起予衾裯往返勞
 更僕空堂明燭照冠服四座歡聲動崖谷潘令

何強顏王郎亦坦腹顏袁二子興益豪酒酣繫
 碎劉生筑張衡倚柱歌四愁頃刻風來振林屋
 建安七子才不數東井五星氣還淑煙雲對酒
 會難頻日月行天老易速萬事相從汗漫遊一
 生自分山林獨

登襄城歌

客子道路浮雲輕北風發發飄蠻荆二妃漢濱
 昔解佩龐公襄陽今入城天清峴山水上出日
 倒習池花內明錯將玉笛與此弄盡使九天鸞

鶴驚

昔稱中秋鳥石山今入天常與山水出

良夜孤峯頂天秋陰復晴大江煙下城低月雨

邊明鴈過聲猶濕雲收意未平狂歌誰獨和漁

笛隔洲鳴林風

會巖水度

明朝初度至覽髮奈年何歲早龍無語吾衰鳳

不歌巖齋孤對海石榻絕攀蘿莫怪違時性山

林自一科

訪石室山人

坐接春江色雙開石牖斜亂山橫鶴榻虛月抱

松花言笑情何勝飛騰氣未涯難忘作長計同

駕九光霞

岳上送林廷評茂貞

大江流不徹日夜涵虛明行客一杯酒對之無

限情中興事豈偶再出道非輕君若登衡軸無

忘此水平

一喜少谷歸

一笑春初散南歸意已勞王風時不競人事日
相高地濕菰蒲氣風生鸛鶴毛柴門近湖水知
上釣魚舫事豈出巖非躡蒼苔登澗壑

大山遊歸宗巖

逕仄青林上亭虛白露前洞門通尺地巖嶂及
諸天草樹飄香異煙霞變態全漫遊回曉月貪
懶愧靈仙

敬謁考亭書院下作

斥逐遭時禁憂勤淑世心滄洲半畝宅吾道此

山深俎豆嚴徽國宮墻麗孔林迷津從佇問煙
水正沉沉

白塔山龍濟道院

峇嶷十八折秋雨病中來塔院低雲入爐煙雜
霧回鏡燈明懺斗龍井動驚雷俯弄唐來木全
生見不材

暮過九鯉潭

其有垂綸興何期並釣船中流頻鼓柁得意久
忘筌岸靜秋濤落帆收沙月懸蛟龍正入夜神

理太幽潛

遊玉峯贈七佛

到處稱為佛孤峯草作庵鹿麋床下拜煙霧口

中含鍊骨石千杵隨身經一函相攜更高望蓬

島在西南

夢起

今夜酒忽醒十洲夢不完月影隔松亂茶聲燒

葉殘老友得麋鹿明河為浪湍行行間竹杖風

露爾無寒

赤松味

赤松五千丈一丈一雲生蛟龍分葉臥雷雨抱

枝鳴陰好鶴長在巢居仙自營劔苓須指夕輔

取九丹成

東溪

仙源有流水寄在青溪東亂石不阻海晴天時

領虹巖芝照自喜松露滴還空廣把三千鈞吾

尋八十翁

憲伯祝公野芳亭留味

越北開戎館清時寡牒書榻含千竹淨亭落萬
 峰疎聚石攢竒草聯園匝野蔬自公多逸暇躍
 馬亦林居自喜外霜高空氣味三千險吾
 山然長至吳山中青氣東獨不則誠謂天報
 至日山雨過眼中浮埃空偶來滄海客獨醉紫
 霄宮江色了人意鶴羣消晚風歲時興自好雲
 物任西東謝靈武巢岳山自營城水寒林心轉
 水外亭會文一文一雲生妙請不無周雷雨跡
 亭子臨蒼壁高簷覆草菅我來乘白鹿蹠踏萬

花間赤日避林幄青芝抱竹關飛揚劒歌在酪
 酏散秋顏

汎舟重經青原

祖關冬再入客路日多閒崖色斜移樹泉聲半
 出山拂人黃葉過穿竹白雲還不惜芳華晚風
 霜且煉顏

沙莊晚步

晡景閣崇壕還雲泥羽袍沙遊仙跡橫秋捧鴈
 行高弗雨加天翠微風亦海濤密都魯竊覲詎

豈夢頌桃

夜酌鄭劍溪給事宅

戀闕未毀車還山秭結廬暫中千日酒逢上萬

年書候樹鳴乾葉晴潭響暗魚別君何所望唯

占斗牛墟黃葉歲寒白雲巖不歸安華如風

斷關太安中秋

迢迢三五夕遑遑岐路前入夜何用雨出門不

同天雲逗千林樹溪留百澗泉自然念兄弟况

復仰神仙

蘇九日蔣樓

菊日紅圓歛鷺山翠仄流過風高動樹出月直

窺樓浪迹無關世羈心不共秋明朝淥水泛別

與白雲留

泰山弋山眺和

峰青畫龜石水麗控龍沙楚樹懸猿直衡雲帶

鴈斜笙歌塞江縣琴響徹山家思君整飛鳥待

此步飄霞

高言過陳生山莊

歷代詩選

月傳丁戈

次集卷一百一十一

十七

高言無與晤攜輿陟幽莊燕泥紛上壁蠶葉半
垂筐暖池魚弄荇晴坂草吞霜欲奏思鄉曲關
山繞夕陽寒立淵琴響嶺山寒思古壑雲帶
剡青訪子發道中對蕭心鼓樹戀氣直濟雲帶
攀山辭玉筍輟浦問珠林四村流水暗三月落
花深嶺晦行雲氣沙明止岸陰所思若下士被
髮正鳴琴無聞世舞以不其林相障新水之風
秋日青原山作
秋物祗林淺禪塔古石平香臺七祖塔法樹十

園荆杖飛猶置井山匝似爲城卽此未遑息徒
令岩壑輕

九日集獨髻山

九日復九日久客畏高臨雲使鄉心近江承秋
氣深雜花難似菊孤鴈不隨禽非君重節物誰
肯到松林

宿張子湖堂

別海迷回駕依湖狎隱堂玉枕衝朝采珠燈汎
夜光款言霞上盡投興雪中長還應藝松桂同

嗣大年芳靈土盡對興雲中身數劫華外劫同
 關山月夜女會
 白兔天邊月黃龍戍外城蟠蛇明扎陣哨馬照
 歸營鏡破佳期阻輪圓虜命傾丈夫取報國莫
 念妾身輕
 此日七日夜女會
 雕鵲架銀橋靈孫步玉霄月疑加鏡彩雲似助
 衣嬌燕樂方牛渚鸞歌已鳳簫但知天地久詎
 嘆別離遙

訪梅山

隱吏燒丹地飛樓燦碧峯錦葉妝隋瓦瑤堦起
 漢松泉香經藥洗虎善與仙逢探歷未云畢高
 城發暮鐘
 江上
 纜帶水中苔船從樹裏催草聲聽岸過沙色辯
 風回洲土長崩屋村山或起臺無論下與上俱
 是離家來

風炎蒸盡急渚枉逗舟透僻岸無涼草叢松有
避枝俾童載葉記幼婦汲泉思往跡兼今意臨
觴首自歎

蘇州逢黃子北歸序

吳門一夜對銀缸別後思前在異邦國事野人
那得問煙波孤興若爲降梅福變名曾有意黃
香隔世又無雙何以故山戀初服或因青桂待
書窻

偶述

山翁遁世有真癖十年嘯傲林之巒慣栽薜荔
護老屋閒拾鶴羽爲高冠異書自得作者意長
劍不借時人看帝南熊僚久已死誰共白日談
弄丸

姜侯携酒過資壽寺中

三年不到娛溪上千里相逢滄海間入寺杯盤
留夜月出城車馬動秋山松陰密傍星河轉鶴
影低隨燈火還野客明時甘老去勸君青鬢莫
投閒

於瑞巖夜懷

名巖不受炎天暑折磴宵穿星漢連亭上就雲
眠亂石竹間乘月享清泉幽棲轉覺風塵苦僻
性猶煩猿鶴憐久辦此身行脫屣肯拋龍劍負
飛仙

擬築宛在堂奉招石門隱君

城外西湖煙霧光孤山宛在水中央門開獨樹
懸青磴逕繞千花上碧堂蘭艇桂橈操自穩葑
房荷榻臥偏長秋波不隔尋真路乘興須君到

隱鄉

上賦堂成敬酬豐五谿學士之作

卜居祇卜滄浪天况復四山如几筵城南茅屋
棄汝去島上薜門行自專釣魚有客寄尺素騎
鶴笑予無一錢短琴若果訪他日涼月相將看
蒲川

宿少谷墓下作

良友竟亡悲鳳苑遺編雖在泣麟窮休論十載
追趨地只漫千山夢寐中青草漸生今日雨白

廢作詩選
明倫
三
楊時動故園風撫墳豈稱酬知己愁絕春原薜荔叢

敬從汪郡公登岌嶠峯值雨駐小頂還紀興

天入翠宮低窈窕洞迴滄海倒巖崑山林著處
宜狂客風雨閒游接上公共倚短筇千澗底獨
穿高木萬煙中觀濤更許雲邊酒待月思眠石
上楓

澄卿罷令後常見過答焉

不應山雨夜頻過豈爲茅堂隱薜蘿霄漢幾年
勞日月江湖隨地足風波長沙謫去君恩重彭
澤歸來酒債多卽看才高終濩落古今賢達總
如何
聖水山月下

行尋流水從吾好臥看青山奈爾何永夜松風
掃星月經旬衾枕傍天河身閒漸與仙人似地
靜頻聞山鬼過短劍秋深思故國白雲回首萬
峯多

天遊觀卽事呈同遊

衆壁群峯夾路生
百花千竹引入行
螟虫食葉聲疑雨
澗碓翻泉響似更
春在客中偏易暮
世於方外亦難輕
因思少小瑤華洞
零落他山空復情

中丞南澗林公息機亭留宴

日月衡門靜
煙霞澗水寒
坐呼花鳥使
笑整薜蘿冠
朽上懸魚笱
橋邊臥鹿鞍
野塘生杖杜
秋井長猗蘭
秣作藏身慣
寧談避客難
鴛鴦辭錦

柵鸚鵡卸金環
式宴翻匏葉
須君賦考槃

宿石竺敬上何氏九僊八韻

風雨彌羅閣
重來頓十年
紫雲飄不斷
白鹿見依然
仙籍論兄弟
先生氣盛焉
丹房四徙地
赤鯉九登天
陳壑音容迥
浮區夢寐牽
脩持予一懈
濩落此堪憐
舐鼻思雞犬
臨河悵筏船
虹車倘再接
擬侍碧峯巔

武當山後玄關題記

適越復遊楚
停舟漫扣關
往來從日月
臨眺用

江山風門束峽急天磴逗雲彎蓮開疑華頂芝
出顛商顏百道危泉淥千隈古竹斑近榻眠黃
兔牽衣引白鷗精鬼大士化秘意小兒閑日斜
歸路動真興斷人寰

野翁自傳

野翁獨往蒼崖巔閒賣紫芝供酒錢時時醉倒
松花下不分鹿麋來其眠

追送趙子後以病止龍城寺因寄趙此書
颺絮飄花怯遠人荒山古寺閣殘春他鄉惟有

前朝栢得見躊躇送客身

衡岳原事

扶桑枝上交王父七鳳車前謁羽君天遣玉笙
誰得弄時時吹起掌中雲

潘令夜半過訪武夷欲予主觀事戲答

峯迴壁轉閉巖扃永夜逢君剖玉經黃髮戴冠
非我事青天自有少微星

喜國賢病起嘲之

吾兄久抱煙霞病七日山中劖藥泉起坐休貪

水簾洞興回猶勝剡溪船

傳汝楫

字木剡丁戌之第
有臥芝集

面泉贈龍魯之

溷溷雲中泉流沫一何多迴颺空夕景近壁搖
煙蘿盈虛有至理古今無增波損德必在足損
名必在高謙謙君子心面茲終巖阿

栖霞携酒觀音溪避暑同用霞字

溽暑那可避言尋溪上花逢人坐流水不見泛
胡麻芝席移青嶂冰盤薦紫霞郭仙如可問吾

意浴丹砂

劉郎

諱一驥後更一企號近山
長樂庠生伯兄之外友

劉郎劉郎女今三十自造命身如削玉眼轉鏡
玄都種桃笑彼花天台採藥留芳逕散髮冠高
黃竹冠山中早築禮星壇著成鴻寶雲邊臥養
得蟬蛸月下看雲邊月下長回首欲觀瑤光過
北斗肘後丹經鸞鳳翩腰間寶劍蛟龍吼我本
箕躔一酒星乞住人間五百齡君若驂鸞歸玉
闕莫言吾醉與君醒

賦得閩海亭龍送鄧介夫應貢北上

金晶飛飛射龍屋
驪龍屋下眼珠熟
五雷驚散雲作花
捧出明珠獻天族
雲歸君別君猶龍下
天上天雲相從暗
室投珠十載忘寒潭
化劍今朝逢何人
却笑淵潛者相送
殘春江上峰

武夷傲吏行贈潘勉甫

君本羅浮列仙侶
武夷此日懸魚組
傲世長回俗吏風
高談莫作時人語
日得俸錢思買山
煙花九曲流春還
題詩直欲滿青壁
搜竒隨處携

黃冠夜臥孤琴足
知已秋風落葉妻
閩邸強項多時向
長官折腰遠地依山
水世人相馬失驂
駟憐君畏路仍淹
留詩書滿腹祗自愛
禮樂爲邑誰從周
只今達人多返古
如此與衆應無伍
空驚遠思歌鳳凰
却用豪才賦鸚鵡
報國心懸百里勞
種桃滿縣紅雲高
他時吏隱金門裏
偷實須君寄我曹

橈南行贈周子

君不見橈哉南之植
衣踰北受性獨異非
自封

冰霜少到福地厚
蜿蜒始稱根
蛟龍華葉礙風
天不冬遠勢干
霄雲避踪身枝
十抱腫而野一
回匠石一回舍
郢木相邀何有鄉
商樗許結虛
無社周子屋角
樗弗低心日愛
樗樗詎知深蒼
竊比巢居子散
漫寧同木食兒
處世於人盡青
眼近能愛畫煙
雲滿鹽梅予後
築巖人逢君盡
日傾杯盃君不
聞三楚今輸廊
廟材千山斤斧
關風雷架橋小
木斫伐盡大木
翻從天上來尚
方律令急如火
同知縛住通判
鎖何如散木之

下與君飲美酒同醉倒

送王文旭遊海門

長風吹岳水客送大江秋
笑躡飛鳧鳥長穿控
鶴樓弟兄堪友愛
天地重交脩
渺渺滄洲去終
牽離恨流

元夕園居有懷

流光元夕到春事
半園居映月花還嫩
隨風柳未舒
枕歆招隱賦
筆閣絕交書
悵望煙霞外
何時返鹿車

岳湖

湖堂背郭樓湖水日悠悠地卽香蓮界山仍梅
樹秋杯前狎鷗鳥籬畔繫漁舟安穩風波外吾
生樂未休

送李指揮之京

江干相送罷去去望仙舟不耐雲山杳其如島
樹秋龍顏權謁帝燕領定封侯他日收成績歸
來覓酒儔

送王甥春先省親之瓊州

子往寧親日予慚得婿初酒杯三接後衣劍百
愁餘庾嶺遲梅使瓊山少鴈書蠻方慎眠食應
足慰離居

木玉得林時弼書

月下飛天鏡影虛明角巾故山看正好秋况近
高旻白鴈霜前下黃花節後新懷人天漢外獨
寄一行音

東高成甫

邇來高伯子衰病復何如藥圃苦留價文園漫

歷代詩選
明傳
著書日眠花閣暗風避草堂虛未說長生訣千
金愛女軀

臣惠先大夫

肺病憂勤積明時爲政初楚岡留竹虎燕水泣
銀魚臣得終王事兒慚讀父書回思弘化地伽
木正扶疎

山居

用世無中策青山豈願違門開揚子宅井息漢
陰機菰米秋田食天蠶卒歲衣閒垂一溪釣呼

酒換魚肥

移家

世途那可問青歲欲移家魚得陶公法耕燒龐
老畬種桃求漢核食棗慕齊花醉臥滄浪曲科
頭看日斜

春日拜先隴追感寄丁戊伯兄

四年違骨肉五十到頭顱老至親朋闊年荒涕
淚餘生存幸兒女丘壠暗楸梧回首雲中鴈飛
飛影不孤

冲天臺對月次呈高宗呂三十一

登臺孤笑懷良友江月於人色轉清坐懶詩篇
虛歲月交深山水識吾生光垂露葉疎疎見寒
近星河曲曲明爲愛一樽長對此風塵物色總
浮名

招隱

極目秋山煙霧連社鐘村鼓自堪憐行藏未夢
商巖卜既隱空存綿上田日短風雲終一變家
隨麋鹿故三遷藜藿可信狂奴足高臥何心學

草玄

聚月翠亭追感昔遊用韻

坐滿高臺虛月涼萬松風合石樓當野人臥酒
翻荷爵山鬼縫衣傍荔墻李賀鳳悲賢者死鄭
莊麟泣大夫良冥冥夜色雙鴻遠影落遙天聲
漸長

潘子積中將遊白下索詩作此貽之

汗漫潘郎賦大遊煙花三月動輕舟腰纏不控
揚州鶴機息初回海上鷗遠地芝雲勞得夢高

名冠蓋定相求白門見柳如堪折遲爾滄洲覓
釣儔

中秋懷丁戊伯兄

閉門坐月月未平露下高歌銀漢橫衣上桂花
時自落池邊秋草夢還生卽看仙犬蒼雲幻遠
度賓鴻紫塞輕聞說海邊招士榻尚賢今喜得
吾兄

雨中宴集栖霞樓感懷

他山十日此樓居感昔懷今夢不虛半榻流雲

愁鴈遠一簾飛雨聽鶯疎閒敲詞客金聲賦靜
讀仙人玉字書身世自慚如櫪馬路迷空禮白
雲車

沙溪獨坐有懷霞居亡友

尺五樓開烏石尊桂枝梅樹淨柴門壺觴日日
家中宴衣服秋冬海上村沙際學書尋鳥跡林
間會意解禽言竒蹤忽憶霞居子淚落溪流過
竹根

暮春雨集四山堂晚晴登烏石懷往東一

山古逸二子

雨罷山堂宴未休
烏山醉傍晚晴遊
隔江雲樹翻殘照
到石風花減客愁
祠殿草荒中使返
姓名苔蝕古人留
空傷往事論今夕
倚杖聽鶯憶酒儔

四山往教河陽留宿草堂賦此贈別

桃樹當窻隱小樓
草堂與子坐綢繆
經年一見一回別
爲我三杯三日留
歌舞有人懷絳帳
琴書此去重仙舟
無聞白髮慚知己
莫舍詩篇慰

遠愁

再送四山至越臺兼訊河陽二黃子

舟楫春風桃李溪
送君晴日越臺西
忍聞求友啼鶯合
喜見留人芳草齊
積學鄭玄非句讀
傳經劉向豈筌蹄
河陽幽事遙相報
門外垂楊幾處低

懷丁戊伯兄

巾烏飄飄五岳遊
庭前雙鵲噪無休
橋成聞汝天邊返
槎到何因漢上留
走日定巢權玉樹
喜

人傳信笑金甌歸期擬醉東籬下猶及香風一夜秋

梨葡萄

鳥驚午睡濃起坐林花近渴思谷口漿醉喚梁州醞

白頭翁

海上春常滿人間日易斜白頭渾不老歲歲閱桃花

訪梅金粟阻雨

梅依鶴膝自盤拏石壁天風一一花索笑未開塵上眼結人愁雨半山斜

戲東林子裘

荒年卜築正愁予欲傍漁翁飽食魚貧病不關時事惡西湖久斷鶴來書

贈別張治世往嚴州

釣龍早罷珊瑚竿臺下長流煙水寒便欲乘槎訪牛女客星遙過五雲端

野亭吟

野翁抱甕甘息機懶夢山蕉無是非獨向山中
伴麋鹿白雲時傍野亭飛

過石田草堂因哭石田

頻年我理兵航楫幾度相逢笑口開沙雨江風
今日淚歲寒愁絕是重來

醉漁

煙輕江上釣初迴呼伴携魚換酒杯便欲忘言
醉蘆葦獨醒恐有楚臣來

寄嘲沙源

寄語沙陽黃子正如何不棹酒船來碧筒五月
多涼冷夢在枿梧寺裏迴

閉門

頻年罷釀老愛酒客至無錢強出賒落盡庭梅
三日雨香風閒對一甌茶

石倉十二代詩選

次集卷一百三十一

終

石倉十二代詩選

卷一百三十一

三日雨香風開

賦平歸類去

開門

多感今夢

皆謂必謝黃子

石倉十二代詩選

明次集卷一百三十二

太白集

大明

長安孫一元著
後學曹學佺閱

江上逢春感興

嚴雪散寒雨
堅冰開積霰
青陽變脩條
東風回舊林
節物感孤志
連翩春江濤
椒花遠自媚
清尊強費斟
十年一被褐
百回結鶉襟
豈無鄉關念
所愧國士心
開匣撫神物
牀頭流泉音
冥運誠嶮巖
履茲思何深
不徒一朝奮
要在萬物任

歷代詩選 明孫在禔
清時繼絕響聊此抱膝吟

春日吟

地偏無往來空亭春正深
會此淑霽景花木弄繁陰
去去散芳躅風來吹我襟
意得不能語野鳥酬好音
修然遂忘倦盡力還幽尋
纖纖孤月上遲遲白日沉
呼來林居子還當期此心

與甘泉老人董嶼山

天風下高木寒日墮蒼蒼
對坐青崖底卸杖白石傍
瓦甌出泉味布袍受松光
雲霞有古好芝

桂永相將還携韓終輩去訪蓬山陽

江上餞別友人四章

晨起促征裝薄言驚舟楫
送子赴脩河不忍與子別
蘭茗會摧殘蒿蔓不堪結
悽悽情未宣惻惻心欲折

心折憑洲渚玄雲構重陰
慷慨撫時序况此離別襟
嘈嘈佇繁吹戚戚理哀琴
暫延林莽間睠此念彌深

念深重離筵含酸聽我歌
天寒冰漸結君徂當

奈何窮獸不出藪倦鳥豈離柯期子早歸來歲
宴守山阿

山阿遵時晦人文會陸沈履運多嶮巖感念昔
與今淒風振脩薄嚴霜披喬林願言同此夕寤
寐思所欽

送周用賓進士訪道入少華山

滄江望不回孤峯晴自立猛虎嘯天風肯爲人
所繫嘗聞安期生畫策君未入歸來謝煙火清
露中天吸千年玩弄間人世風雲集坐此無窮

門城景鍊玄汁

種松

種松滿崑丘眼中生蒼鱗松根化爲石松葉不
受塵中有結廬者長年事隱淪入雲荷長鑱劬
苓青澗濱木食有竒志乃與天爲鄰放歌白雲
裏去去空山春

田舍早春作

今辰初解凍遠望田苗稀日出會群情鳥雀相
喧飛村婦荷鋤至隔舍煙火微阿童三尺箠驅

羊散柴扉風來廣郊陌春事正依依

收菊花貯枕

呼童收落英晨起晞清露滿囊賸貯秋寒香散
庭戶夜來夢東籬枕上得佳句

江上送殷近夫奉母東歸

春色滿汀洲沙晴鷓鴣遊故人別我去回首江
之隈半月屆水宿挂颿風力柔芳蘅弄遙碧閒
雲澹不收遠見蒜山月晚泊瓊花洲推篷慈顏
喜得魚沙市頭人生會有別歡聚不知憂平明

望齊魯乘流發權謳

王野雲見寄華山誌忽憶余曩昔月下著

羽衣醉吟蓮花峯上今已三載自過江南

無此豪興喟然而歎作詩以謝故道及之

憶昔遊上清長風吹羽被仙人九節筇扶我蓮

花側太空借韶護羣動聲相嚇石髓酌天瓢此

物山不惜醉倚洗頭盆月華凝欲滴獨鶴驚夜

半回首秋雲碧三年萬里遊此事墮今昔媿謝

山中人默光運闔闢

歷代詩選 明務九初
紫陽山中徐步

窮壑臥孤松寒風生杖屨幽人獨往來鳥弄自成句因山賸得秋欣然有餘趣片雨弄江光孤雲起汀樹望中水似天嘯坐漁舟去

吳興北亭與邦直別

青松盤巨壑不受人間塵鸞雛異衆鳥自飲砥柱津羣情貴苟合難以保厥真吾與夫君交終始道相親同擷雲中草還尋天上春一朝來告別去作上國賓正值歲時暮况與豺虎鄰咽涕

重感傷手挽君車輪寒禽各嘯侶落木亦悲辛惟願君歸來臥此清澗濱

聞劉元瑞按察使棄官與其泉山人候久不至

南國有高人棄官萬里道晨夕問音書相候青林杪歲暮悲風塵會晤苦不早何日入門來將鬚傾懷抱東山吳居士况汝平生好竭來同幽栖笑拾金光草

夢遊黃山吟

朝看黃山圖暮夢黃山行手捫天都月一笑雲
 煙橫丈人眉如霜采秀忻相迎酌我以石髓遺
 我以瓊英冷然跨黃鵠更欲遊空明羣峯忽不
 見一舉還自驚覺來發長歎半窻松雨鳴未休
 春日閒居和韋蘇州
 亂髮午未梳橐居幽興生焚香了清晝無夢到
 京城雨過山枝綠倚杖有餘情舍南春水滿鶉
 鳩聲催耕地僻語論稀牀堆圖史清榻來坐成
 嬾那知世網嬰

解所佩日本小劍遺殷近夫作公莫舞

晴空一夜走白螭河鼓下照寒江滑葛廬之山
 元氣裂神物將化天有為鐔頭驚見赤花古輓
 轡純鈎皆莫數千年碧血燐火明萬里陰風鬪
 髑語帝王氣象佳葱葱玉虹提攜行相從座上
 酒酣公莫舞要是當時隆準公

酒酣歌贈鄭繼之地官

司徒之官不可求早年通籍金閨遊青袍只今
 厭奔走兒女衣食泣道周屢見文章出翠釜未

聞廊廟登天球鄉關萬里望不及風吹離思江
花愁野人勸汝早歸來塵埃骯髒難爲儔朝廷
嬖孽未除盡早晚尚有巴蜀憂冰雪照野驚歲
暮行人烽火多阻修天狼出明東海岼哀凰獨
叫西康州酒酣對汝不料事爲此長歌歌未休

黃山行

黃山昔云與天通三十六峯常冥濛晨昏日月
轉地中下連滄海沃焦東噪陽一足啼遠松天
雞野岼巢高風中有靈跡世難窮洞門水簾捲

鬱葱五色閃映金銀宮秋風花落青桂叢聞有
高人悶其蹤洗藥流出砂泉紅長年兀坐石牀
空萬物入手愁化功吾聞此山元氣鍾異人往
往時相從苔篇鳥書雲霧封我來啓此心忡忡
洞裏韓衆倘相逢倒景同佩蒼精龍萬二千年
壽無終

題梅花贈太守黃子和

使君作郡滄洲邊我曾一見神翛然長髯方瞳
有仙骨種梅猶記羅浮巔瓊盤鐵曲一萬本茅

屋正在春風前寒姿自照日杲杲白鶴下叫青
溪煙我歸管領君勿喚采花拾實還候君

南榮老人歌

南榮老人睡起晚過午柴門日初轉下牀看山
嬾不冠山光樹光渾莫辨秋來更覺草堂深鳥
雀相馴機事淺平生得處不須書愛雲弄泉歲
華晏

跨驢遊西山天竺寺

秋葉滿林吹亂紅秋光半在山寺中老衲迎門

解幽事一見呼我長髯公薰爐相對坐終夕松
聲泉韻何冲融獨鶴隔竹向人立欲鳴未鳴幽
意同氣酣日落豪思發詩成三統青桂叢造物
小兒玩人世俯仰何必悲無窟布袍斗笠自高
格狂歌醉叫驚山翁歸來明月散林影驢背仰
嘯秋山空

春前五日大雪

一夜雪飛石徑齊清晨壓我茅屋低小奴開門
抱甕出赤脚汲水愁衝泥牆頭飢鳥太無賴統

我堵上啞啞啼南山黃獨寒無苗長鑱歸來風怒號

謝鮑山人採松花見寄

山人縛屋黃山巔青松萬株盤屋前春風摘取花滿裹逢人遙寄吳門仙吳門仙人身已輕服花更覺靈氣生白日獨坐若木下滄海如席龍不鳴昨夢訪君松樹樾赤脚踢雲石苔滑天風颯颯吹欲醒歸來松際留明月

題古木竹石圖

石根拖雨雲脚過老木飭飭石欲墮白日拖珥天色微翠葆含吟風勢大山空往來不見人山鳥一聲山竹破當時此畫作者誰湘娥猶泣真宰悲

黃山歌贈戴仲良

吾聞黃山三十六峯青插天懸崖峭壁萬丈飛流泉古松盤壑風吼地蒼藤翠葛白日生雲煙奇石媚幽獨小芝紅欲然若有人兮山之巔烹霞煉石元化旋宇宙入手春無邊有時黃鶴鳴

翩躚自吹玉笛桃花前月明相約講重玄我來
手持青苔篇龍漢之秘心相傳洞中一笑三千
年

黃山歌

黃山嶽薛幾萬里亂峯如龍矗雲起晨昏日月
轉山腰三十六軸盤地底崑崙瀚澥氣勢來衝
嶽匡廬遠相倚長年冥濛飛煙霞白日雜還走
麋鹿玉泉丹砂種靈根芝草琅玕長不死中有
高人事隱棲縛屋開門亂雲裏崖木野藤時作

花澗水泠泠石齒齒牀頭木瓢白石鑄簷下甕
牖烏皮几避世應同尸鄉翁著書還擬鵝冠子
我亦乾坤放逸人探竒名山興未已落日長歌
招隱詩采藥尋君從此始

渡江

斗酒醉初醒長歌望海門晚山橫北固落日照
中原沙白鳥雙下天青江獨吞壯懷方激烈危
坐欲騰騫

同沈啓南吳門載酒泛月

微茫風日暮歸鳥下青田
暝色遙吞樹波容澹
寫天豚魚不吹浪萍葉故迎船
笑殺鴟夷子浮家不計年

有客

草堂對湖水地僻有高情
雨意開林色秋光泛
菊英到船覓魚蟹有客過柴荆
長日看山處相留几簞清

癸酉六月望夜同施邦直棹舟西湖歷六
橋抵望湖亭乘月登孤山拜和靖處士墓

向曉南屏路相攜上釣船
山根晴亦濕湖面夜
難昏月色留吹笛鷗羣迴洗樽來尋林處士地
下有知言

晚霽

晚來雨初霽煙火隔林微
一徑牛羊入孤村桑
柘稀長天下遠水積霧帶岳扉
月黑聞人語溪南種樹歸

對酒

岳石韜弓劒風塵混客身
易消吳地酒不見隴

歷代詩選 明孫大初 十一
山春失路無騰蹋供愁似衆人獨憐嵇叔夜何處可藏真

幽居雜興

草堂連翠微一徑轉柴扉竹裏厨人散雨中春事稀蜂房爭自課花片覺全飛政愛蒲團好焚香了化機

十日荒城雨開門草又新若無一杯酒孤負百年身澹澹春園野青青山近人喜看江上影依舊白綸巾

鷄聲催旦暮歲月夢中移雲漢空回首溪山獨占竒買船同鶴載得句報僧知却笑南華子閒看野馬馳

清風生甕盎天亦愛吾貧看竹雲連屐鉤簾雨映人梅花偶到座硯水動浮春意外渾無物青山共此身

重遊江上寺

重遊江上寺相對一樽開未耜知天力東南息戰灰堞樓浮海動潮勢抱山來落日聞人語漁

歷代詩選
明穆大初
三
樵覓徑回

費鵝湖閣老顧與成叅議同訪有詩見遺
依韻和答

甫餘秋寺裏一徑轉松長上客同乘屐高人獨
據牀塔陰眠石壁鶴跡遍山房歸去猶餘興看
鷗意不忘

江城東殷近夫

沙上風煙異經時老客心遠天低故壘落日帶
空林目極芳華晚愁緣野水深江城有嚴武猶

可慰孤吟

西湖

十里山如拭西湖背郭流僧歸虹外雨雲抱水
邊樓春事多逢醉歌聲半是愁獨憐垂釣者吾
欲共滄洲

晚晴信步至城東草堂主人開樽留酌

東風吹晚步拄杖散閒身燕掠春陰薄鳩鳴桑
葉新過君文杏館呼我酒仙人政有煙霞骨還
知麋鹿親

雲溪

落日溪光淨閒來坐石磯因看異人跡猶見紫
雲飛岬坼楓根出沙寒石髮稀懷賢增感慨回
首意都違

荆溪道中

樹夾蒼崖立遙遙溪路微浪花迎棹尾山影上
人衣飢鵲鳴將下頽雲凍不飛還尋舊遊處日
暮漁樵稀

幽居

自得窮通理幽居不誤身清流梳石髮遠霧着
山巾竹上僧留偈庭前鶴近人科頭坐終日吾
自愛吾真

失鶴

只在秋江上孤音何處聞夢回千里月愁入萬
山雲欲賦招難返長憐思不羣此時還憶汝書
寄武夷君

只在秋江上煙霞幾萬重堦前留墮羽苔面想
行蹤雲影忽傍水月明猶在松此時還憶汝跨

我出樊籠

西爽亭會別周叅政楊顧二叅議

對酒山亭上清秋思更豪輕鷗動江色片雨帶
林臯興逐王司馬詩當何水曹分攜聊一笑日
暮上漁舫

虎丘慧上人山房

占勝景相依僧閒水竹居窻幽滋蘚暈樹老帶
蟲書石鼎秋聯句溪園夜剪蔬買山錢可借許
我築茅廬

獨往

無媒幽徑返笑語領東風遠燒攙新綠寒花動
小紅野情藜杖底詩句酒杯中一路春相候何
人識化工

寄顧台州華玉

使君有道氣爲政亦山中坐見桃花色青林度
遠風才堪一世用官與衆人同飢食舊溪橡長
歌興不窮

遊龍井山

石磴攀蘿上天風倚杖吟鐘鳴山意動泉淨樹
光深白日觀雲物清樽坐石林歸來與更好纖
月映孤岑

鄭繼之地官久不過湖上奉簡

怪爾狂吟客不過湖水濱寧遭官長罵莫得野
人嗔雲外烏藤杖林邊白鷺巾相看只自好空
送月華新

同孟僉事望之登虎丘山

停舟倚暮色開醜對江濱山迴朱甍出鐘鳴碧

殿聞林花交野岼石壁動春雲落日狂歌客登
臨興不羣

蘭

落日天風動空山蘭葉芳瀟瀟湘水濶冉冉楚
雲長獨抱幽人操空懷王者香隔江費褰采歲
暮永相望

題孫道甫東園卷

小關東園地閒來樂事宜幽懷流動處好鳥忽
鳴時灌藥引清沼護花編短籬主人足高興嵇

呂共襟期

茅屋清溪上

茅屋清溪上漁歌入座聞水光偏映竹釣石自
生雲地近青藜杖身隨白鳥羣此中有真趣長
日少塵紛

送友人北上

扣舷歌小海判袂送君行秋入風雲壯鷗盤原
野晴山迎楊子渡潮語廣陵城還憶西湖上漁
歌載酒觥

次韻祝維貞員外

歸來光範門書策不須論白日自幽事清泉在
小園鳩鳴開竹閣月曉過梅村鄰父時時會壺
觴笑語溫

發漕湖

初日浮高樹清鷗散淺沙挂帆湖水上聞笛野
漁家岼岼孤蒲合雲迷山郭斜芳洲動幽興自
起采蘋花

春日王氏池亭一首

別浦漁歌近臨流水檻開主人時杖屨斜日在
莓苔沙淨新篁出亭幽羣鳥來習池風物異喜
有葛強陪

大善寺贈惠上人

訪客溪邊寺湯休解愛才高吟攄野興小酌引
春杯翠壁雲光薄青林雨氣開會當忘物我相
對碧山隈

過黃勉之明水草堂

去去草堂遠懷人藜杖過青林散山靄翠壁倒

江波竹裏鳩聲切吟邊野興多相看皆道氣白
日臥雲蘿

同凌時東邵文化沈邦魁飲戴山大石上
載酒問山寺尋幽過遠林殘霞依水淨新月隱
杯深坐久頻移石歌長得賞心青春元自好歸
櫂有高吟

夜雨

寒柝聲初急殘燈燄不修長吟聞夜雨獨客臥
江樓節物東山念朝廷西鄙憂驚風振叢薄迷

鴈失灘洲

南征

南征五月動旌旄
瘴靄蠻煙望日勞
此日壺漿迎虎旅
幾年江海泣弓刀
戍樓鵬落風雲壯
野日猩啼戰壘高
更喜皇天能悔禍
不妨遊子臥江臯

滄江

千林草樹靜相依
來往尋詩坐釣磯
地近青春惟鳥雀
夜來新水到柴扉
中原落日愁多夢
萬

里滄江定不歸
擬向鹿門爲地主
不妨常著芟荷衣

辛未中秋攜張逸人僧龍玉升顯東明西湖泛月吹笛飲酒登望湖亭扶醉漫興

一望晴煙破暝幽
湖天灩灩月初浮
旋攜斗酒呼鄰父
小有蔬盤上釣舟
笛咽水龍中夜冷
杯搖河影萬山秋
人間回首悲何事
欲覽清光最上頭

秋晚登鎮海樓

歷代詩選
樓上輕雲散女婢樓前狂客獨支願江當夕照
半添色詩與秋山相關竒木葉無言時序變塵
寰多事杖藜知只應又被漁郎笑雨細風斜歸
去遲

新卜南屏山居

石上藤蘿對夕曛解衣長日坐來頻挽回滄海
真無計領畧青山合有人養鶴似嫌雙口累爲
漁又過一生身相逢惟是南屏老獨樹柴門許
結鄰

山居着野服

道人占斷南屏景十里青山帶郭斜對水柴門
通鶴渚隔鄰煙火是漁家巖頭老檜占風雨石
上昌陽閱歲華粧點太平還着我棕鞵桐帽送
生涯

荒村

落日長風吹磧昏荒村寒月動籬門江潮枕上
悲心壯山鬼燈前夜語繁亂後客心猶萬里斗
間雲氣望中原欲添春水隨行具更聽漁歌起

釣輪

晚晴獨眺昇山絕頂

石磴天風笑語清
捫蘿直上思猶輕
斷虹收雨
青山出白鳥
弄波斜日明
跡學漁樵成
久業身
隨麋鹿長高情
兵戈滿眼真何意
只漫蓬蒿過
一生

月波樓爲陳子魚題

危樓溪上倚層空
住近仙人白鬼宮
浪靜魚龍
眠桂影夜涼
河漢動秋風
鈎簾弄鈎滄洲上
開

檻洗杯清鏡中
他日乘舟聽吹笛
我來相訪水
雲中

王與時方伯顧與成叅議見訪山中

柴門車馬藩侯重
下榻高談盡日懽
笑我風流
丘壑相對君倒着
竹皮冠山中芝草闌
干長石
上松陰空翠寒
記得晦翁詩句好
一川風月要
人看

秋夜坐吳山僧舍

夕陰橫抹暗江城
入夜星河淺澹明
度水煙寒

千樹暝隔林雲臥一僧清
絡蟲故故催機杼木葉蕭蕭送雨聲
獨坐山牕情自會燈花無那向人青

乙亥元日

元日狂歌倒竹樽東風昨夜到柴門
生逢盛世憂何事家在青山道
自尊殘雪疎林開舊色崩沙細浪長
新痕春來漫有滄洲興文鷁銀鷁滿釣輪

孟秋十六日孫道甫范文一昆仲邀予同

汪進之京北方質夫逸人泛舟西湖二首
雲移洲渚樹迴灣來泛湖光十里閒
逸客風流同白幘道人詩句說青山
天留晚景平波上鷗落漁家亂竹間
此意與君須領略菰蒲明月棹歌還

載酒同尋白鷺灣相看一笑意猶閒
殘霞隔水宜詩句歸鳥穿雲見晚山
謝氏賓朋牛渚上岑家兄弟羨陂間
醉歌小海無人和獨與漁郎泛月還

宿歸雲庵

沙清竹碧鷗出飛野老候余開石扉暮雲捲雨
日初落木葉滿山風乍稀酒杯入夜意自好篝
燈向人寒相依窮幽覽勝乃吾事坐愛名山忘
獨歸

九日登南屏山漫興

南屏九日登臨地望裏風煙秋事幽青蕊娟娟
憐物候孤帆裊裊隔江洲秦雲隴樹歸心遠易
水燕山落日愁詩罷長吟還自佇汀鳧沙鴈晚

相遊

夢鄭繼之

不見平生鄭廣文風塵側望隔青雲殊方物色
偏憐客雨夜燈花屢夢君隔葉山鳩高自語避
人江鶴獨爲羣眼中此日堪惆悵塞北音書久
未聞

夜坐

中庭露下濕征裾獨起蒼茫佇望餘河漢夜深
人語靜海門潮上月華初盛時去國愁難破看

歷代詩選 明初卷之
三
劍燒燈氣未疎三載相看隔南越故山戎馬久
無書

九日登南屏山漫興

客中此日逢佳節扶醉來登千樹林斜日碧雲
秋寺淨折荷殘葦晚湖深中原目送雙流淚老
馬時存萬里心何處草堂還可借杜陵今有卜
居吟

江上

沙礫喧寒雨楓根挽釣楂菰蒲起煙火隔水是

漁家

睡起

睡起散幽躅荒崗春日西野雲飛不起寒壓竹
枝低

春日遊惠山

茅堂藏山隈尋轉更幽興一鳥浴寒塘數花明
小徑
向晚意不歇殘陽澹欲無漁榔隔浦斷樵響入
雲孤

閒撫溪邊石坐談竹下門殘霞不作雨遠水欲
浮村

歸來吟不了賸有水雲情船頭借漁笛韻中明
月生

雜詠

夕陽沒中流舟子不停櫓風來未滿帆望斷桃

花浦

題孫道甫小景

家近新塘曲月明魚可掬盡夜澹忘歸和雲汀

上宿

白鳧

白鳧看不足坐買江上舟長日牽春夢江光搖
綠洲

卽景

亂山帶喬木斜日望中碧白雲來傍人馬首嵐
光滴

驅車復驅車

驅車復驅車起拂車上露願作車後塵逐君車

輪去

古別離

有酒復有酒餞子河梁路離情不可整風亂道
傍樹

憶王屋山人

幾時不見鹿皮翁回首碧雲天自空記得去秋
新月夜荳花棚下說年豐

西湖

十里飛花送酒卮六橋兒女蹋春詞無人會得

漁翁意獨立晴湖照影時

梅杖

幾點冰花尚未消一枝鶴膝凍翹翹夜來夢到
相尋處野水斜通白木橋

飲龍井

眼底閒雲亂不開偶隨麋鹿入雲來平生於物
元無取消受山中水一杯

席上偶成

楊花燕子弄春柔醉倚筵篔笑未休依舊清風

明月好買船吹笛過滄洲

林侍御過訪留坐竹下問武夷山水

清泉長日漱潺湲豸史裁冠訪竹關自笑道人

迂野性相逢先問武夷山

春暮

門開轆轤東風曉酒熟牀頭無可人聽盡雨聲

渾不寐棟花榆莢過殘春

謝方方伯壽卿惠米

耽貧自笑山人瘦飽飯還歌方伯賢白石鐺中

消歲月漫炊松火汲清泉

訪錢隱君

隱君南國舊王孫小築茅堂水竹村我亦江湖

陸魯望釣竿獨抱訪柴門

西湖圖恭

門前雲物時來宿沙上鷗羣亦自呼背郭不知

有城府矮牀叢竹坐臨湖

除夜

短瓶臥壁不盡飽宿火向人還自青明日梅花

應作意春風一夜打柴肩

書張山人壁

尋詩衝雪過山家
拄杖鏗鏗石徑斜
自笑道人無長物
酒壺隨處有梅花

美人圍碁

碁局當窻笑語清
鴈行雲陣各縱橫
細簾疎篔無人見
庭鶴時驚落子聲

鞦韆

花下羅裳映穀文
鞦韆彩架簇春雲
回頭偶道

金釵落深院
風清笑語聞

秋夜渡江

西風吹鬢綠
鬢髮擊榜長
歌酒半酣野月上
船燈影亂載將秋思過江南

石倉十二代詩選

次集卷一百三十一終

歷代詩選


明孫汝祚

三卷

孤鴻/雁陣/雁陣/雁陣

西風/後/後/後

金/金/金



程

